



淨土問辨
功過格

合編



淨土問辨
功過格
合編

淨土問辨功過格合刊序

古人云。死生亦大矣。可不悲哉。知死生之可悲。當求所以了生死之法。則可悲者轉爲可樂也。若不求了生死之法。徒生悲感。有何所益。大丈夫生于世間。事事無不豫爲之計。唯于生死一事。反多置之不問。直待報終命盡。則隨業受報。不知此一念心識。又向何道中受生去也。人天是客居。三途是家鄉。三途一報百千劫。復生人天了無期。由是言之。則了生死之法。固不可不汲汲講求也。須知法門無量。皆須自力斷惑證真。方有了生死分。則末世衆生。頗難現生卽得實益。唯信願念佛求生西方。最爲第一。以其仗佛慈力。卽未斷惑業之人。亦可出此娑婆。登彼極樂。實爲我輩無力斷惑者之一大恃怙。以故宋燮臣居士。唯恐世人狃于常見。不肯修習。以致自悞。故以己先所存之種種疑情。一一剖析明了。而爲一切同人之嚮導。又復附以勸孝戒淫等篇。俾于首善首惡。嚴事法戒。則根基鞏固。進修無滯矣。又以日用倫常。或恐疏略。故復以功過格。附于其後。竊以此格。實爲格致誠正之要務。盡心力而行之。不患

不到聖賢地位。凡有志于希聖希賢者。祈勿以此爲瑣屑而忽略之。則善矣。又功過格屬散文。不便記誦。感應篇。陰騭文。實爲功過格之源本。以故恭錄于首。以期朝夕諷誦。互相鑑照。俾得三業清淨。一心淳篤。庶可無忝所生。行爲世法。由是而世法佛法。一道齊修。成己成人。了無二致。前繼往聖。後開來學。參贊化育。輔翼邦治。皆于此庸言庸行中得之。若捨此不行。別求玄妙。縱令大得。亦只能利一類之機。而况專資空談者乎。

民國十八年己巳仲冬古莘常慚愧僧釋印光謹撰

淨土問辨

淨土法門。理極深奧。事甚簡易。初機乍聞。難免生疑。壽延宿業深重。入道也晚。初則每生疑惑。致難釋然。後讀佛經及淨土古今知識各著述。方得徹底無疑。因以自己以前之妄見。集錄古德解釋之言論。以期如延之多疑者。易得其益焉。淨業弟子朱壽延謹輯

問。娑婆世界與西方極樂世界。有何分別。既生此界。何必求生彼界。

答。娑婆世界乃五濁惡世。種種之苦。苦莫能言。衆生既生其中。忍受其苦。故稱堪忍。要而言之。不出八苦。所謂八苦者。卽生。老。病。死。愛別離。怨憎會。求不得。五陰熾盛。上自大富貴人。下至僕傭乞丐。悉皆具有。無人能免。前七種。乃宿生所作善惡諸業所感受之苦果。第八種。乃現生起念招苦之業因。何謂五陰。色。受。想。行。識。是也。色。卽感受業報之苦身。受。想。行。識。卽觸境所起之妄心。由此幻妄身心。起貪瞋癡。想殺盜淫。心心念念。了無止息。如火熾然。不可撲滅。故云熾盛。由此五法。障蔽真性。如雲遮日。

不能顯現。故名爲陰。陰義同蔭。蓋覆也。此第八苦。實爲諸苦之本。凡我同人。欲脫此苦。若非有力大人。能于現生斷惑證真者。必須生信發願。持佛名號。求生西方。自可仗佛慈力。帶業往生。既得往生。則託質微妙。香潔之蓮房。不假污穢垢濁之胞胎。受法性身。安有生苦。純童男相。法味資神。亙古亙今。不遷不變。故無老苦。身常安泰。了無痛癢之期。壽量無邊。圓證金剛之體。則病死二苦。均悉無有。既無父母妻子。常近諸上善人。作彌陀之弟子。爲大士之良朋。水鳥樹林。法音演暢。若聲若色。悉宣妙法。則愛別離。怨憎會。俱不可得矣。思衣得衣。思食得食。大地悉黃金成就。樓閣皆七寶莊嚴。有求皆得。無願不遂。故無求不得苦。苦果已無矣。至于身則具足相好光明。心則具足威德智慧。又何有五陰熾盛之苦因哉。翻娑婆之八苦。以成八樂。故云極樂也。欲得此樂。必須至誠懇切。念佛名號。願離娑婆之幻苦。願得極樂之真樂。具此信願。無不蒙佛攝受。令其往生佛國。享受身心寂滅之常樂。若在此界。縱有修持。亦不過一生兩生。不失人身而已。何可執著此土。不願往生乎哉。

問。佛卽是心。心卽是佛。心既是佛矣。何必更念他佛耶。

答一切衆生。皆具佛性。祇分迷悟而已。既悟之佛。其心性實與衆生無異。未悟之衆生。其心性亦與諸佛同儔。但佛由悟佛性。而斷惑證真。衆生由迷佛性。而起惑造業。致令昇沈迴異。苦樂懸殊也。須知真心本有。妄性元空。心佛一如。性靈獨具。本自圓成了。無欠缺。惜乎末劫衆生。迷真逐妄。背覺合塵。久經長劫。流轉生死。受諸苦惱。不得出離。以故如來特開方便之門。普令一切衆生。念佛名號。求生西方。爲出苦之大門。成佛之捷徑。何以故。五濁惡世中。聲色貨利。刻刻纏繞。煩惱惑業。重重密布。偶不檢點。便易墮落。終日隨緣。卽與佛道相去遠矣。惟此念佛法門。將萬德洪名。牢記在心。全心是佛。全佛是心。念茲在茲。不離頃刻。念極情忘。心空佛現。歷久功深。感應道交。本靈顯露。妙境現前。已到一心不亂。卽證念佛三昧。楞嚴大勢至云。都攝六根。淨念相繼。得三摩地。斯爲第一者。卽此是也。文殊選圓通偈。謂反聞聞自性。性成無上道者。亦卽此是也。凡夫之必須念佛。可無疑義。乃世間狂妄之徒。謂我能入定。我已悟道。我卽是佛。何用更念他佛。以凡濫聖。疑誤衆生。此大妄語之罪。當受極苦。蓋衆生在娑婆。猶精金在鑛璞耳。加以淘汰。經以鍛鍊。然後可稱精金。惑業淨盡。真心顯

露。然後可證佛性。以故自古高僧。或古佛再來。或菩薩示現。皆以凡夫自居。斷無說我卽是佛。是菩薩者。古佛菩薩。且不敢以佛菩薩自居。並教人以念佛。况凡夫乎。設凡夫以佛自居。不肯念佛。竊恐摩尼埋泥。不得兩寶。古鏡積垢。焉能鑒人。經曠大劫。沈淪苦海。心卽是佛。究有何益。

問。修習法門。頭頭是道。何得專守一法。以棄萬行。抑遏宗教。過讚淨土乎。

答。一切法門。無不玄妙。但以皆仗自力。不易成就。欲于卽生。了生脫死。誠難誠難。若依教修持。必須深明教理。若依宗修持。必須徹悟自心。方有進修之路。否則盲修瞎煉。或有著魔之虞。卽使修持功深。亦難斷惑。倘惑業絲毫未盡。則輪迴依舊難逃。斷見惑如斷四十里流。况思惑乎。若見思二惑。毫髮未盡。分段生死。決難出離。此無他。全憑己力故耳。大覺世尊。哀憫羣生。久經長劫。莫由得出。特開此方便之門。爲修道中點鐵成金極妙之法。無論上中下根。利鈍均收。縱不明教理。未斷惑業。祇須懇切持名。念念無間。管取金臺。可以坐待。一念單提。橫超三界。仗佛慈力。往生西方。較比其他法門。尤爲直捷痛快。何以故。旣仗佛力。又兼自力。信願堅凝。永不退轉。是以已

力上感於佛。佛以慈悲俯應于己。感應道交。故得如是如行路然。一則借電車之力。直達家鄉。一則緩步當車。歧途觀望。如駕船然。一則藉風帆之勢。卽登彼岸。一則逆水行舟。中流旋轉。他種法門之難。難若登天。淨土法門之易。易如反掌。故永明大師云。有禪無淨土。十人九蹉路。無禪有淨土。萬修萬人去。九界衆生。離此法門。上不能圓成佛道。十方諸佛。捨此法門。下不能普利羣生。一句阿彌阿佛。有不可思議之功德。全超一切法門。無能出于其外。而與之相等者。學者不可存門庭之見。舍易而求難也。

問十方諸佛。各有因緣。何必偏誦阿彌陀佛。

答。阿彌陀佛。于無量劫前。證法界藏身。所有十方諸佛功德。阿彌陀佛一佛。全體具足。如帝網千珠。攝於一珠。一珠遍於千珠。統一全收。無欠無餘。阿彌陀佛。實爲十方諸佛中第一佛也。諸菩薩等。雖有大慈悲心。以其所證未能圓滿。未能普利羣生。滿一切願。十方諸佛。雖皆證窮法界。然我感之不易。縱感極而見。不過暫時離苦。終非究竟。惟阿彌陀佛。有大慈悲大威力。上自諸天下至蟬動。包羅萬象。無一不度。曾發

四十八大願。皆欲接引我念佛衆生。故今娑婆世界人。信口念佛。必稱阿彌陀佛者。與娑婆世界有緣故。將來法欲滅時。諸經皆去。獨有阿彌陀佛經。遲去百年。豈非阿彌陀佛。有大恩德于我等業重衆生哉。我造業時。佛則警戒我。我受苦時。佛則救濟我。我歸命時。佛則攝受我。我修行時。佛則加被我。佛之憐憫於我。無微不至。無非欲我苦惱衆生。永離火窟。早達蓮邦。直至一生補佛而後已。雖父母不能比其恩之深。天地不能喻其德之大。諸佛菩薩。亦莫不出廣長舌。讚歎其功德之不可思議。古德云。世間出世思惟徧。不念彌陀更念誰。故三藏十二部經。所說甚廣。獨有持名一法。再四諄諄。令其修持。不念他佛。專念阿彌陀佛。萬德洪名者。良有以也。况末世鈍根。心多濁亂。若不專念一佛。難成三昧。專念阿彌陀佛一佛。念至其極。卽得一心不亂。決定往生上品華嚴經云。一切諸佛身。卽是一佛身。譬如淨滿月。普應一切水。可知專念一句阿彌陀佛。十方諸佛。亦已具足念之矣。何得謂爲偏念耶。

問。極樂國土。去此娑婆世界。有十萬億佛土。相隔如此遼遠。我在此界念佛。佛果能攝受我乎。

答。道遠難去者。凡軀也。一念可往者。心性也。念佛得生彼國。只在心性不迷而已。並非挾此凡軀而往。蓋以心包太虛。量周沙界。衆生與佛。了無有異。但衆生具足無量煩惱惡業。功德智慧不能顯現。佛則具足無量功德智慧。煩惱惡業淨盡無餘。由是于無異中。成大懸殊。故華嚴經如來出現品云。一切衆生。具有如來智慧。但以妄想諛著。而不證得。若離妄想。一切智。自然智。無礙智。則得現前。須知智慧妄想。原非二物。迷則全眞成妄。悟則全妄卽眞。佛之心性。既無所增。衆生之心性。亦無所減。佛乃先悟而成佛者。衆生雖在迷。實未來之佛也。未悟之佛。仗本心固有之佛力。念阿彌陀佛。豈阿彌陀佛。不愍衆生之誠。而令其感應道交也。佛與衆生同體故。由同體故。固念念常憶念于我。我若能憶念于佛。則如兩鏡交融。相含互照。感應道交。佛無不攝受於我也。大勢至菩薩云。十方諸佛。憐念衆生。如母憶子。子若逃逝。雖憶何爲。若子憶母。如母憶時。母子歷生。不相違遠。若衆生心。憶佛念佛。現前當來。必定見佛。去佛不遠。不假方便。自得心開。此大士親證實到境界。吐心吐膽相告語也。惜乎凡夫不肯發眞實菩提心。至誠念佛。依舊貪聲色。殺生命。造種種惡業。諸佛菩薩。雖加憐

憫不能度不信之人。不信之人。自違于佛。佛雖慈悲。亦無如之何矣。若無此障。則佛固常時攝受矣。何疑之有。

問。世有專念佛號。及至臨命終時。不能示現瑞相。蒙佛接引。其故安在。

答。念佛求生西方。乃出於彌陀慈悲之誓願。釋迦金口所宣揚。佛不妄語。豈欺我哉。所以初祖迦葉。二祖阿難。結集三藏諸大乘經。皆讚淨土。第十二祖馬鳴菩薩。于起信論末後。示最勝方便。令人念佛。求生西方。常侍彌陀。永不退轉。第十四祖龍樹菩薩。如來預記往生。龍宮誦出華嚴。偏讚西方。如毗婆沙論。稱爲易行疾至之道。此諸經論。又豈有虛妄哉。及至大教東漸。遠祖創開蓮社。宗風丕振。潛修顯化者。不可勝數。舉其尤者。如元魏有曇鸞。陳隋有智者。唐有道綽。善導。懷玉。啓芳。圓果。飛錫。承遠。法照。自覺。少康。宋有永明。昭慶。四明。長蘆。明有楚石。蓮池。藕益。清有省庵。夢東。以上諸師。皆深通宗教。而復精修淨業。有宰官居士。若劉遺民。白居易。文彥博。楊無爲。王日休。袁宏道。周夢顏。彭紹升等。亦無不精修淨業。而得往生者。至於張鍾馗。張善和。雄俊。惟恭等。惡人。亦以念佛超生。得預末品。可見念佛法門。至廣至大。至圓至頓。上

聖與下凡同修。大機與小根共受。所謂萬修萬人去。一無遺漏者也。竊恐悠悠泛泛。毫無精進之心。夾夾雜雜。不肯切實而念。有時求人天福報。並不志在西方。謀一己利益。並不願度羣生。五戒易犯。難免殺盜淫妄。十善未修。安望福德佈施。口雖念佛。心仍造業。實與佛理背道而馳。何能與佛感通。不自身心檢點。反謂念佛無靈。六道依然。適增罪戾也已。

問。念佛法門。大多視爲淺近。猶有疑而未信者。何也。

答。念佛求生西方。本如來徹底悲心。普度羣生。速證佛果之妙法。至易至簡。至圓至頓。上中下根。皆蒙利益。可謂一代時教之極譚。佛說阿彌陀經云。我於五濁惡世。得證菩提。爲諸衆生。說是一切世間難信之法。是爲甚難。以淨土法門。超出一切法門之外。致一切世間難信也。良由至圓至頓。又復至簡至易。不但凡夫俗士。疑而不信。卽深通教理者。猶或疑之。不但知識不信。卽已證真諦之聲聞。緣覺。猶或疑之。不但小聖不信。卽權位菩薩。猶或疑之。蓋此微妙法門。有點鐵成金之功效。非多劫深種善根者。不能信受奉行也。須知一句彌陀。是生死苦海之慈航。無苦不度。是無明長。

夜之慧燈。無暗不照。苟能具真實信願。持佛洪名。字字清楚。句句分明。一歷耳根。便爲有緣。况常念無間。有不相應者乎。故經云。一稱南無佛。皆已成佛道。又經云。受持佛名者。皆爲一切諸佛共所護念。寶積經云。高聲念佛。魔軍退散。文殊般若經云。衆生愚鈍。觀不能解。但令念聲相續。自得往生佛國。大集經云。末法億億人修行。罕一得道。唯依念佛。得度生死。萬聖千賢。註經造論。莫不以此法門。自行化他。以其爲成佛之捷徑故也。是以善財承普賢威神之力。所證與普賢等。與諸佛等。普賢乃爲說十大願王。勸進善財。併華藏海衆。回向西方極樂世界。而觀經五逆十惡。將墮阿鼻之時。十稱佛名。尙預末品。念佛法門之不可思議。如天普蓋。似地普擎。一切法門之用力。孰有過於此者。不聞此妙法則已。幸得聞之。當勉力修習。不可懈怠。若以世智凡情。謂爲淺近。疑而不信。由茲長劫輪迴。了無止息。豈不大可哀哉。以自己之狂見。謂爲淺近。任自己之凡情。反疑佛言。總因宿世少修持。惡業甚深重之所致耳。哀哉。

問。帶業既可往生。歸命之後。仍然造業。亦得往生乎。

答。此邪說也。存此一念。自誤多矣。發此一言。誤人多矣。蓋衆生從無始劫來。迷背心

性造種種業。受無量苦。生生死死。死死生生。或餓鬼而地獄。或披毛而戴角。人天時少。惡道時多。言之可慚。思之可痛。良由罪業重重。莫由懺悔。愆尤疊疊。難以解除。如繫牢獄。不得出離。如入廁阬。無人救援。佛愍衆生。難了生死。故特開一仗佛慈力。念佛往生法門。若能一心念佛。能消百千萬億劫生死重罪。以心能造業。心能轉業。又仗佛力故。能一超直入如來地。卽餘業未消。亦可帶業而往生。既得往生。則見佛聞法。漸次進修。終必圓成佛果。如片雪之入洪鑪。一滴之入大海。何愁宿業之不能消滅。此云帶業往生者。謂未能斷惑證真也。切勿誤會。謂爲雖修淨業。仍然可以造業也。如囚徒然。彼在獄中時。痛自改悔。蒙恩赦出。仍作良民。倘于赦罪之後。仍舊犯罪。豈不成兩罪俱罰。從重懲究乎。汝謂既修淨業。仍然造業者。何以異此。已造之業。無可如何。未來之業。當自警惕。傾心歸命者。不可不審慎也。

問。生前不信念佛者多。死後請人代念佛。亦得往生乎。

答。具縛凡夫。爲驚瞋苦樂所障。無暇向道。何可以得智慧。趨菩提。但唯逐境生心。循情造業。五逆十惡。無所不作。三途八難。無所不受。鐵牀銅柱。寢臥抱持。經塵點劫。莫

之能救。此無他。惡業深厚。善根淺薄耳。金剛經云。當知是人。不於一佛。二佛。三四五佛。而種善根。已於無量千萬佛所。種諸善根。聞是章句。乃至一念生淨信者。當知是人。甚爲希有。可知深信佛法之人。原非夙有善根。不能企及。古德云。人身難得。佛法難聞。今既得人身。而聞佛法。又得聞淨土之方便法門。仍然埋頭造種種業。終不肯念佛。此等人。頑石木偶。所不如。及至死在臨頭。地獄現前。手忙脚亂。囑其子孫。爲我多請僧侶。仗此功德。以冀超升。嗚呼晚矣。蓋念佛者。原要生前自己念佛。非死後請人代念佛也。若生前不仗佛力。了脫生死。死後欲憑凡夫之力。得其功效。竊恐不能也。經云。身後人爲作功德。七分得一。自作者得千百倍。可知死後請人念佛。其功德能否及於我。抑能否脫我之罪業。皆在不可知之數。况死者之子孫。豈真有追念先人之孝思。不過藉此喪期等事。挾其金錢之魔力。號召親朋。賭博取樂。登山玩景。相邀遊觀。其先人落在何種道中。原不計及。死後茫茫。欲仗此微薄之功德。而得往生。萬無此理。故古人云。莫待老來方念佛。孤墳半是黑頭人。又云。平時勸人念佛。總說我忙。獨是無常一到。極忙也。休。龍舒淨土文云。晝必有夜。必爲夜備。暑必有寒。必爲

寒備。存必有去。必爲去備。何謂夜備。燈燭是也。何謂寒備。衾裘是也。何謂去備。福慧淨土是也。人生在世。光陰幾何。趁此時機。幹辦要事。得一日光陰。念一日佛號。得一時工夫。修一時淨業。不然。一失人身。萬劫難復。可不勉哉。

問。十念既得往生。待臨命終時。十念念佛。即可矣。何必預先勞勞常念乎。

答。生品之高下。全在持名之多寡。念佛法門。愈多愈妙。可無疑義。有時五逆十惡。臨命終時。地獄現前。十稱佛名。卽化地獄爲極樂。其人必宿有善根。方有此僥倖。此乃無量千萬人中的一。豈各人皆有此僥倖哉。彌陀經云。不可以少善根。福德因緣。得生彼國。可知人在臨命終時。四大分離。惶惑恐怖。方寸擾亂。痛苦悲傷。至此時。能至心念佛者。非宿有善根。斷難幸致。不可以一概而論。若世間平常人。無論處境順逆。當然以念佛求生。了脫生死大事。或千或萬。不可間斷。其冗忙之極者。晨朝十念。萬不可闕。阿彌陀佛曾有誓願云。十方衆生。至心信樂。欲生我國。乃至十念。若不生者。不取正覺。蓋佛之願力。不可思議。譬如登高山而呼空谷。千百聲。固應也。一二聲亦應也。十念往生。何以異此。况此十念念法。指平時極忙之人而言。欲使其循序漸進。

漸入佳境。如得嘉肴。既知其味。自然拳拳服膺。謹守勿失。非限於十念以爲定章也。倘能具真實信願。堅持十念。以至一心不亂。念一句有一句之功德。若不平時常常繫念。待至臨終。業力現前。心迷神亂。何能念佛。故知佛以十念往生。勉人專精修持。衆生以十念得生。反失往生利益。此由塵情太重。道心太輕。致令自誤誤人。被此陷墜耳。倘其人發菩提心。行方便事。息貪瞋癡。戒殺盜淫。勤修淨業。自利利人。行與佛合。心與佛同。口雖不念佛。心中固常存佛念。默念之功德。與出聲念之功德。同等無二。何得謂念佛爲勞。不念佛時。念一切塵境。不更勞乎。

問。執持名號。何能使其一心不亂。倘偶遭逆境。安能使其心不退悔。

答。執持名號者。拳拳服膺之謂也。耳能反聞。心能觀想。念念相續。無雜無間。赤體擔當。勇猛精進。所謂萬牛莫挽。千聖難遮。如是久之。穩成佛果。卽有時其心偶散。定不至於大散。寶王論云。浴大海者。已用百川水。念佛名者。必成於三昧。猶清珠下於濁水。濁水不得不清。念佛投於亂心。亂心不得不佛。既契之後。心佛雙亡。雙亡定也。雙照慧也。定慧既均。亦何心而不佛。何佛而不心。心佛既然。則萬境萬緣。無非三昧也。

可知念佛功深。自然入於一心不亂矣。若欲堅定初心。永不退轉。須明三世因果之理。無論遭逢順逆。皆當處之泰然。倘不明此理。往往偶作微善。卽希大報。偶獲微殃。反謂念佛無靈。謗毀佛法。豈知報通三世。轉變由心之義乎。報通三世者。現生作善作惡。現生受福受殃者。謂之現報。今生作善作惡。來生受福受殃者。謂之生報。今生作善作惡。第三生。或四五六生。或十百千萬生。或十百千萬劫。方受福受殃者。謂之後報。後報則遲早不定也。轉變由心者。其人或先世造大罪業。本當受極重苦報。因其後來生大慚愧。深自懺悔。發菩提心。力行衆善。更復竭誠念佛。並勸人以念佛。由此之故。或偶嬰微疾。略受貧窮。稍受不如意之事。卽消滅其重大之罪。金剛經所謂若有人受持此經。爲人輕賤。是人先世罪業。應墮惡道。以今世人輕賤故。先世罪業卽爲消滅。當得阿耨多羅三藐三菩提者。卽轉變由心之謂也。凡夫不知因果通三世。轉變在吾心。往往以誤轉誤。從茲不信因果。不信佛法者有之。亦有唯事空談。不修實行者。則與不信因果。不信佛法者。同一罪相。故夢東云。善談心性者。必不棄離于因果。深信因果者。終必大明乎心性。因果之理既明。雖偶遭頓挫。必不至退悔初

心。心性之體既識。卽略動煩惱。必不至又復散亂。此一定之理也。

問。俗緣未了。無暇念佛。若修淨業。必須出家爲僧乎。

答。阿彌陀佛。無量劫前。對世自在王佛。發四十八願。度一切衆生起見。無論聖凡僧俗。男婦老幼。苟能持名懇切。莫不令其往生極樂。故梵語。優婆塞。優婆夷。卽所謂善男子善女人也。居士信女。自古迄今。念佛得往生者。何可勝數。衆生之精修淨業。原不在於在家出家。在家則更好修行。上有父母。應當孝敬。下有妻孥。亦當教養。發菩提心。力行衆善。出廣長舌。奉勸羣生。研究淨土諸經。感化一切同倫。常念彌陀聖號。冀出六道輪迴。家庭不啻道場。眷屬咸成法眷。可謂戴髮之高僧。居家之佛子。若定曰。拋却塵緣。諸事不理。匪獨與世法有礙。卽與佛旨亦相違背。况出家爲僧。原非易易。倘成有道高僧。佛理圓融。勸人念佛。宏揚法化。利濟羣生。是乘願以再來。不愧爲人天師表。可歎幾多不學無術之徒。混入僧界。違犯清規。不遵戒律。造種種業。以致貽外界之謗議。竟至逐僧毀寺之舉。時有所聞。法道日衰。典型日墜。推其原。皆由清世祖章皇帝。罷除試僧度牒。令其隨意出家之所致也。亦由今之知識好

收徒衆。而不教訓。令其依教修持之所致也。此等人出家。實爲佛門之敗類。如來之罪人。還不如作居士身。誠誠實實。在家虔心念佛之爲愈也。于念佛外。兼修世善。以爲助行。似此福慧雙修。臨命終時。不生西方者。吾不信也。

附勸孝篇

人子之身。由父母生育撫養而有。人子之智識。由父母教誨提持而得。我不能自立。則父母多方爲我勞心計慮。我今已成。人敢忘大恩。而不思報答于萬一乎。况我若孝親。我之子亦當學我所行而孝我。故古云。孝順還生孝順子。忤逆當生忤逆兒。子能孝順。天神恭敬。子若忤逆。禽獸不如。報應昭彰。毫釐不爽。爲人子者。可勿體察親心。善養其志哉。獨是孝之一事。有難易之分。事雙全之父母易。事單獨之父母難。事強壯之父母易。事衰病之父母難。事富貴之父母易。事貧窮之父母難。何以故。當春秋佳日。風和日麗。天之兒輩。率領嬌妻美妾。稚子幼女。或駕乘風之艘。或御閃電之車。或登歌舞之場。或覽園林之景。遊目騁懷。豈不快樂。老父母在家中。形單影隻。寂寞淒涼。或手癱足痿。或目盲耳聾。既無饘粥充飢。惟有藥鑪常伴。衾寒枕冷。誰聽

半夜之哀聲。月淡風淒。愁對孤燈而飲泣。忘父母之苦。不孝之罪一。偶因兄弟細故。動輒反脣相譏。偏聽婦人私評。遽加疾言厲色。傷父母之心。不孝之罪二。至若拋書廢業。貽誚親朋。問柳尋花。身染疾病。或投機而狂賭。以致敗產而傾家。累父母之憂。不孝之罪三。所謂體察親心。善養其志者。不必顯之以高官名爵。養以之海味山珍。誠能克勤克儉。無忝無羞。男順女柔。晨定昏省。依依膝下。悅色和顏。雖菽水承歡。未嘗不愜其心。而適其志。待至終老。天年無慚子職。所謂生事之以禮。死葬之以禮。祭之以禮。可謂孝矣。然此皆屬世間之孝。又有出世法之大孝在焉。如父母在。勸其虔誠念佛。又代爲念佛。求其業淨往生。如父母不在。更當竭力念佛。求其超生淨土。不獨父母超生。果能懇切至誠之極。卽歷代之祖先。及無量劫來過去之父母。有情之眷屬。莫不仗此功德而超生。所謂一子修持。九祖超生是也。蓋在世之孝。養固一世之孝。出世法之孝。養乃永久之孝。豈非佛門弟子。方可稱爲究竟孝親之人乎。

附勸善篇

易曰。積善之家。必有餘慶。積不善之家。必有餘殃。大學云。德者本也。財者末也。可知

財如流水。德如堅壩。若德薄而財富。未有不水潰而壩裂者。然我觀今世之人。求其末而忘其本者多矣。往往家資萬貫。良田千頃。華廈高堂。錦衣玉食。笙歌盈耳。姬妾滿堂。唯知受樂。不肯培福。若論爲善兩字。則錙銖必較。絲毫不捨。待至身後。必至門祚衰微。任子孫之游蕩。宗祧覆滅。被親族之剖分。或閨闔貽羞。浪子乘機而入。幕家庭起釁。外賓藉此而分肥。甚至盜賊垂涎。飛來橫禍。匪徒設計。勒索鉅貲。此無他。爲富不仁。多財爲患耳。我故力勸世人。與其積財於兒孫。不如積德於兒孫。何必霸守此財。定欲爲兒孫作牛馬耶。散財之法。惟有積善。如救危濟急。賑災憐貧。矜孤卹寡。養老扶殘。修橋補路。發粟施衣。戒殺放生。印經塑像。病則施藥材。死則營棺槨。所謂隨便功德。衆善奉行是也。以上諸說。皆對於有財者而言之。豈無財者不能爲善乎。力持五戒。精修十善。對如花似玉之貌。存若姊若母之心。視戴角披毛之類。作同聲同氣之儔。片言之虛妄。分文之不義。皆當顧慮及之。隨分隨力。行種種之方便。所謂不勞財而大積德也。然此皆世間之善行。尙有出世間之大善在焉。堅持信願。朝夕念佛。念念純熟。自利利他。並勸人以念佛。共修淨業。古云。若勸一人修淨業。勝於恆

河沙數之贖施。蓋財本空虛。佛力難思。若能往生。則盡世間所有之福樂。亦不能比。恆河沙數之一。况其全乎。念佛之人。當視此世如牢獄。當視彼世爲家鄉。願我同儔。咸當共勉。

附戒淫文

人由淫欲而生。故其習偏重。然良心尙在。則不至蕩檢踰閑。肯由此念擴充。則人人均可堅貞自守。爲成德之君子矣。何以知其然。以人莫不愛其妻女。亦莫不惡人淫。其妻女。果能常作此想。又何有越理亂倫之邪鄙行爲。以己之妻女。不願被人淫污。已何可淫人妻女。以圖一時之歡樂。致使畢生有玷于人倫乎。淫人妻女。妻女人淫。因果循環。理無或爽。蓋淫爲萬惡之首。古今多少英雄豪傑。藉前世之修持。承祖宗之餘蔭。或名登天譜。或祿享人寰。或世代簪纓。或年華耄耋。其福澤本無可限量。因此而一犯邪淫。大傷陰鷺。冥冥之中。卽除其名。而削其籍。陰奪其算。默消其福。更有死於蛇虎刀兵官非水火者。甚至覆其宗祧。子孫滅絕。還其果報。妻女酬償。而顯犯王章。身羅法網者。無論已。邪淫之輩。天必罰以至慘至酷之罪者。因其損人名節。骨

肉含羞。彼此傳聞。親鄰切齒。生者死者。滿腔怨憤之氣。上冲霄漢。實爲天理所難容。其罪或不報於自身。必報於子孫。不報於今世。必報於來生。似此罪大惡極。安能逃其天譴哉。因茲力勸世人。速發覺悟心。大起羞慚心。無論男子女人。均當以禮自閑。守身如玉。未犯者謹防失足。已犯者及早回頭。親戚朋輩。互相化導。佛菩薩前。痛自懺悔。則業由心造。業由心轉矣。從此一心念佛。則淫念消滅。于佛念。庶可速出迷津。直登覺岸。積德既久。淫業息滅。否則一氣不來。歷受無情之酷刑。千生萬劫。難免三塗之苦報。可勿懼哉。願警省焉。

附戒殺文

蓋聞世間最重者生命。天下最慘者殺傷。好生爲天地之德。殺生列五戒之首。楞伽經云。一切衆生。從無始來。在生死中。輪迴不息。靡不曾作父母兄弟男女眷屬。乃至朋友親愛侍使。易生而受鳥獸等身。梵網經云。一切衆生。皆有佛性。楞嚴經云。汝等當知是食肉人。縱得心開似三摩地。皆大羅刹。報終必沈生死苦海。又云。以人食羊。羊死爲人。人死爲羊。如是乃至十生之類。死死生生。互來相噉。可知我肉衆生肉。一

般原無二。形體雖異。佛性皆同。彼以惡業故。淪於畜類。我以善業故。幸得人身。何可以彼之身軀。供我之口腹。試思令彼之身軀。受刀砧燒煎之苦。以供我一時之口腹。此情此理。于心何忍。回思若以我之身軀。受刀砧燒煎之苦。而供他人之口腹。願乎否乎。况彼一切生靈。或者卽是我前生之父母。兄弟姊妹。男女。固未可知。卽非我之眷屬。而彼物各有父母。兄弟姊妹。男女。相聚爲歡。貪生畏死之心。則一也。倘不加憫卹。恣意噉食。將來我福報盡。彼惡業畢。今生我殺戮於彼者。來生彼未必不殺戮於我也。讎怨相尋。殺戮無已。思之可爲寒心。古德云。欲知世上刀兵劫。須聽屠門半夜聲。又云。欲免世間刀兵劫。除非世人不食肉。以故唐肅宗詔天下諸州。各立放生池。勅顏真卿撰碑文。禁止漁捕。宋眞宗詔天下立放生池。杭州西湖。卽宋之放生池也。明蓮池大師。立放生池於上方。長壽二處。其戒殺放生文。流通天下。從古帝王聖賢。皆以戒殺放生。爲救世之急務。末世鈍根。不體上帝好生之德。如來悲愍之心。專事殺戮。而喜食其肉。夫喜食其肉者。謂味鮮而質美耳。設易以蟲蛆作羹。蜣蜋爲饌。彼見之。必定欲嘔而不忍食。殊不知鳥獸魚鼈之味鮮而質美者。業識分別心之所致。

也。試思彼畜類精血所成之身。美在何處。食此等物。卽是食此等物之精血矣。堂堂丈夫。何不自尊重。一至于此乎。蔬食菜羹。頗多滋養。含靈蠢動。皆具佛性。與其展轉^弄流。互相噉食。曷若放生戒殺。彼此解脫乎。

念佛儀式 若有暇。宜先念彌陀經一
遍。往生呪三遍。然後念

讚佛偈

阿彌陀佛身金色 相好光明無等倫 白毫宛轉五須彌 紺目澄清四大海
光中化佛無數億 化菩薩衆亦無邊 四十八願度衆生 九品咸令登彼岸
南無西方極樂世界大慈大悲阿彌陀佛

南無阿彌陀佛 或一百聲或五百聲
或一千聲愈多愈妙

南無觀世音菩薩 或三稱或十稱

南無大勢至菩薩 或三稱或十稱

南無清淨大海衆菩薩 或三稱或十稱

回向偈

我今稱念阿彌陀 眞實功德佛名號 惟願慈悲哀攝受 證知懺悔及所願
我昔所造諸惡業 皆由無始貪瞋癡 從身語意之所生 一切我今皆懺悔
願我臨欲命終時 盡除一切諸障礙 面見彼佛阿彌陀 卽得往生安樂刹
願以此功德 莊嚴佛淨土 上報四重恩 下濟三塗苦 若有見聞者
悉發菩提心 盡此一報身 同生極樂國

十方三世一切佛 一切菩薩摩訶薩 摩訶般若波羅密

十念法

每日清晨服飾已。向西正立合掌。連稱

南無阿彌陀佛。盡一口氣爲一念。如是十口氣爲十念。隨氣長短。不限佛數。惟長惟久。氣極爲度。不緩不急。調停得中。如此十氣。連屬不斷。意在借氣束心。令心歸一。一心專向西方。命終卽可往生。此爲大忙之人而設。凡依此修持者。必須虔誠恭敬。方有實益。更須隨分隨力。修行衆善。自行化他。以作助道。更爲勝妙。念畢十口氣。用此發願回向。

十方三世佛 阿彌陀第一 九品度衆生 威德無窮極 我今大皈依
懺悔三業罪 凡有諸福善 至心用回向 願同念佛人 感應隨時現
臨終西方境 分明在目前 見聞皆精進 同生極樂國 見佛了生死
如佛度一切 無邊煩惱斷 無量法門修 誓願度衆生 總願成佛道
虛空有盡 我願無窮復頂禮而退。此偈有大威力。能消一切罪。增一切福。或念四句云。
願生西方淨土中 九品蓮華爲父母 華開見佛悟無生 不退菩薩爲伴侶

臨終要事

凡世人父母六親臨命終時。均宜對彼念佛。又須爲說念佛之利益。令彼隨之而念。以期仗佛慈力。往生西方。切忌預爲洗浴換衣。及哭泣悲哀。以致破壞正念。或由搬動致痛。而起瞋心。由哭泣悲哀。而起愛戀。則無由出此五濁惡世。登彼九品蓮邦矣。及至斷氣三句鐘後。方可揩洗換衣。及舉哀等。至于殯殮衣衾。切勿華麗。出喪領弔。切勿鋪張。款待賓客。勿用葷腥。薦拔先靈。力行慈善。今爲深信者。一一詳言之。蓋人臨死時。倘自己不能念佛。最好合家大小。及親族賓隣。助以高聲念佛。佛聲不絕。令

其正念分明。導歸極樂。得大自在。若不如是。專事哭泣。使亡者妄動悲心。牽聖難捨。誠恐因此而墮落也。措洗一事。本欲使死者潔淨。然必待靈光去久。心口冷盡。方可動手。不然如刀刮魚鱗。難言痛苦殯殮一事。最好盡用布疋。勿用綢綾。蓋生前穿綢。幾多造業。死後何可再用綢也。况加之以珍寶珠玉殉葬乎。喪事非喜慶可比。何可大張筵宴。大排儀仗。苟有餘財。卽將此財。移充善舉。以真實功德。歸於先亡。祈求往生淨土。纔是孝子心腸。弔唁賓客。非爲口腹而來。若動以葷腥。大殺生命。生靈死後。豈無怨對。反加罪於先人。爲子孫者於心安否。欲報父母深恩。不得不思超拔之道。然請幾位不道德之僧道。而欲仗其微末功德。使其先靈了脫輪迴之苦。竊恐不能也。總不如朝夕虔誠。持齋念佛。力行善事。求其超昇。是爲得計。此皆出於聖賢經典所說。非屬臆見杜撰。伏望世人互相勸導。其功德誠不可思議矣。

感應篇頌

龍山姚文然稽首敬撰

文然以掃先祖中憲公墓。兼謝弔至江甯。病瘡者月餘。至九月廿四日夜。夢一羽衣人至。予泣拜之。并呈以詩。末有借問小人曾有母。如今果在陵風臺之句。良久見先慈大人至。曰。兒病瘡乎。可誦太上感應篇。勤而行之。兼廣訓導無怠。予泣而寤。次日從予友鮑子曼殊。覓感應篇。具以夢告。曼殊曰。予久許梓感應篇註。以獨力難成。因循不就。致爲神明所呵。功名蹉跎。示警夢寐者屢矣。今當力成之。予因同心考訂。薄助梓工。以資先慈冥福。清晨必淨心捧誦一卷。回省生平。但覺愧心悔心。恥心懼心。並集數日而瘡果愈。因念太上慈悲。普濟迷鈍。禍福明其自召。善惡原於起心。示以諸神在人頭上。在人身中。德盛者體物不遺。聽之不聞。視之不見。訓以上天降福三年。降禍三年。生物者因材而篤。栽者培之。傾者覆之。指人心病。作人心醫。長人善根。塞人惡源。種人福田。拔人禍本。如是功德。不可紀量。我因慈訓。得捧真詮。乃稽首涕零。而作頌言。

太上垂寶訓。 慈憫世間人。 禍福不自天。 一切從心造。 善心起未爲。

吉神已隨之。其惡心起者。凶神亦如是。今人云行善。動云力不足。但作此見者。卽爲心不善。譬如貧窶人。衣裏有寶珠。將珠論價值。錢帛抵無量。若還貧窶者。不知有珠故。太上訓三善。名爲語視行。有口不語善。終日豈默坐。有目不視善。未見合眼者。有身不行善。晝夜亦勞碌。以此內自省。行善非無力。但隨心所及。善量悉圓滿。昔有乞丐兒。適當賊擾時。城中防奸細。不容乞兒入。以此居城外。夜棲破屋中。忽聞寇賊來。無數人馬聲。乞兒起自念。此賊夜襲城。城上梆鈴稀。燈火半明滅。當因人倦寢。此城必屠陷。我當間道去。救此全城命。旣作是念已。趨城下大呼。城上人警覺。金鼓一時鳴。矢石及銃砲。亂向暗中擊。賊徒大驚駭。棄其雲梯去。以此一乞兒。救此百萬命。今言無力者。孰如此乞兒。請視此乞兒。功德有量否。所以下人。能種上上福。起心若行善。又有作過人。不欲持此經。心中常思念。我罪已深重。勿復言鬼神。徒爾增恐怖。

不思太上訓。	改悔便轉福。	改爲積善種。	悔爲滅罪本。	惡既由心造。
還卽由心滅。	譬如冬月水。	凍結卽成冰。	及至春暖時。	是冰還爲水。
則知冰與水。	性本無二故。	又如劣手碁。	半局已大敗。	忽遇善弈人。
指點及教導。	是人能信受。	局終反得勝。	若仍復敗者。	當由不信故。
昔有一老僧。	焚修關聖祠。	道行甚清潔。	勇猛修善事。	適當賊擾時。
夢神來告語。	汝明日合死。	有賊乘白馬。	名爲朱二者。	是汝宿世怨。
汝合死伊手。	稽首向神言。	今生頗行善。	願慈悲救護。	神言無救法。
救則汝自救。	清晨鳴鐘起。	有賊入山來。	擒僧命引導。	何山有財寶。
何洞有婦女。	速速導我去。	不然便殺汝。	僧忽自思惟。	我業已合死。
今復導彼去。	掠財淫婦女。	是謂業上業。	雪上又加霜。	枷上更著杻。
便起呼賊言。	我不復導汝。	汝非朱二乎。	我命終汝手。	是賊大驚駭。
汝何知我名。	定是聖神僧。	僧告以夢故。	朱二自思惟。	怨報無窮已。
神言不救汝。	卽是救汝法。	汝不導我行。	是卽汝自救。	我汝自解怨。

稽首神前去。故知禍可轉。太上無誑語。急向生前改。莫待死時悔。

改悔一由心。無罪不滅故。又有小根人。受持不堅固。今日行微善。

望報在明日。不思太上訓。久久獲吉慶。太上所說經。猶如天上雨。

人生所行善。猶如地下種。雨澤無有二。地有肥瘠故。受命有厚薄。

遲速亦如是。勤勤力耕耘。及秋咸收穫。遲種便棄捐。無有收穫處。

亦有行善者。暗中神護佑。愚人不自知。妄言無利益。展轉生疑謗。

譬如癡騃兒。身立類牆下。持果手內嬉。恬不復知懼。其父急趨來。

提兒向別所。牆倒兒命存。涕泣向母言。父奪我果去。又如覆舟人。

扶板至洲岸。資財皆蕩盡。衣被亦漂沒。稽首謝神靈。賽願更還福。

乘舟不覆者。不復言神佑。所以大善人。精勤無退轉。福向緩中生。

禍向暗中滅。因果報應中。分明向人說。修善受苦者。爲善未熟故。

至其善熟時。自見受樂報。稽首太上尊。普度一切人。心生一切善。

善生一切福。若人受此經。信行及勸導。是名爲法施。功德不可量。

太上感應篇

太上曰。禍福無門。惟人自召。善惡之報。如影隨形。是以天地有司過之神。依人所犯輕重。以奪人算。算減則貧耗。多逢憂患。人皆惡之。刑禍隨之。吉慶避之。惡星災之。算盡則死。又有三台北斗神君。在人頭上。錄人罪惡。奪其紀算。又有三尸神。在人身中。每到庚申日。輒上詣天曹。言人罪過。月晦之日。竈神亦然。凡人。有過。大則奪紀。小則奪算。其過大小。有數百事。欲求長生者。先須避之。是道則進。非道則退。不履邪徑。不欺暗室。積德累功。慈心於物。忠孝友悌。正己化人。矜孤恤寡。敬老懷幼。昆蟲草木。猶不可傷。宜憫人之凶。樂人之善。濟人之急。救人之危。見人之得。如己之得。見人之失。如己之失。不彰人短。不衒己長。遏惡揚善。

推多取少。受辱不怨。受寵若驚。施恩不求報。與人不追悔。所謂善人。人皆敬之。天道佑之。福祿隨之。衆邪遠之。神靈衛之。所作必成。神仙可冀。欲求天仙者。當立一千三百善。欲求地仙者。當立三百善。苟或非義而動。背理而行。以惡爲能。忍作殘害。陰賊良善。暗侮君親。慢其先生。叛其所事。誑諸無識。謗諸同學。虛誣詐僞。攻訐宗親。剛強不仁。很戾自用。是非不當。向背乖宜。虐下取功。諂上希旨。受恩不感。念怨不休。輕蔑天民。擾亂國政。賞及非義。刑及無辜。殺人取財。傾人取位。誅降戮服。貶正排賢。陵孤逼寡。棄法受賂。以直爲曲。以曲爲直。入輕爲重。見殺加怒。知過不改。知善不爲。自罪引他。壅塞方術。訕謗聖賢。侵陵道德。射飛逐走。發蟄驚棲。填穴覆巢。傷胎破卵。願人有失。毀人成功。危人

自安。減人自益。以惡易好。以私廢公。竊人之能。蔽人之善。形人之醜。計人之私。耗人貨財。離人骨肉。侵人所愛。助人爲非。逞志作威。辱人求勝。敗人苗稼。破人婚姻。苟富而驕。苟免無恥。認恩推過。嫁禍賣惡。沽買虛譽。包貯險心。挫人所長。護己所短。乘威迫脅。縱暴殺傷。無故剪裁。非禮烹宰。散棄五穀。勞擾衆生。破人之家。取其財寶。決水放火。以害民居。紊亂規模。以敗人功。損人器物。以窮人用。見他榮貴。願他流貶。見他富有。願他破散。見他色美。起心私之。負他貨財。願他身死。干求不遂。便生呪恨。見他失便。便說他過。見他體相不具。而笑之。見他才能可稱。而抑之。埋蠱厭人。用藥殺樹。恚怒師傅。抵觸父兄。強取強求。好侵好奪。擄掠致富。巧詐求遷。賞罰不平。逸樂過節。苛虐其下。恐嚇於他。

怨天尤人。呵風罵雨。鬪合爭訟。妄逐朋黨。用妻妾語。違父母訓。得新忘故。口是心非。貪冒於財。欺罔其上。造作惡語。讒毀平人。毀人稱直。罵神稱正。棄順效逆。背親向疎。指天地以證鄙懷。引神明而鑑猥事。施與後悔。假借不還。分外營求。力上施設。淫慾過度。心毒貌慈。穢食餒人。左道惑衆。短尺狹度。輕秤小升。以僞雜眞。採取姦利。壓良爲賤。謾罵愚人。貪婪無厭。呪詛求直。嗜酒悖亂。骨肉忿爭。男不忠良。女不柔順。不和其室。不敬其夫。每好矜誇。常行妒忌。無行於妻子。失禮於舅姑。輕慢先靈。違逆上命。作爲無益。懷挾外心。自呪呪他。偏憎偏愛。越井越竈。跳食跳人。損子墮胎。行多隱僻。晦臘歌舞。朔旦號怒。對北涕唾及溺。對竈吟詠及哭。又以竈火燒香。穢柴作食。夜起裸露。入節行刑。唾流

星。指虹霓。輒指三光。久視日月。春月燎獵。對北惡罵。無故殺龜打蛇。如是等罪。司命隨其輕重。奪其紀算。算盡則死。死有餘責。乃殃及子孫。又諸橫取人財者。乃計其妻子家口以當之。漸至死喪。若不死喪。則有水火盜賊。遺亡器物。疾病口舌諸事。以當妄取之直。又枉殺人者。是易刀兵而相殺也。取非義之財者。譬如漏脯救饑。鴆酒止渴。非不暫飽。死亦及之。夫心起於善。善雖未爲。而吉神已隨之。或心起於惡。惡雖未爲。而凶神已隨之。其有曾行惡事。後自改悔。諸惡莫作。衆善奉行。久久必獲吉慶。所謂轉禍爲福也。故吉人語善。視善。行善。一日有三善。三年天必降之福。凶人語惡。視惡。行惡。一日有三惡。三年天必降之禍。胡不勉而行之。

文昌帝君陰騭文

帝君曰。吾一十七世。爲士大夫身。未嘗虐民酷吏。救人之難。濟人之急。憫人之孤。容人之過。廣行陰騭。上格蒼穹。人能如我存心。天必錫汝以福。於是訓於人曰。昔于公治獄。大興駟馬之門。竇氏濟人。高折五枝之桂。救蟻中狀元之選。埋蛇享宰相之榮。欲廣福田。須憑心地。行時時之方便。作種種之陰功。利物利人。修善修福。正直代天行化。慈祥爲國救民。忠主孝親。敬兄信友。或奉眞朝斗。或拜佛念經。報答四恩。廣行三教。濟急如濟涸轍之魚。救危如救密羅之雀。矜孤恤寡。敬老憐貧。措衣食周道路之饑寒。施棺槨免屍骸之暴露。家富提攜親戚。歲饑賑濟鄰朋。斗秤須要公平。不可輕出重入。奴僕待之寬恕。豈宜備責苛求。

印造經文。創修寺院。捨藥材以拯疾苦。施茶水以解渴煩。或買物而放生。或持齋而戒殺。舉步常看蟲蟻。禁火莫燒山林。點夜燈以照人行。造河船以濟人渡。勿登山而網禽鳥。勿臨水而毒魚蝦。勿宰耕牛。勿棄字紙。勿謀人之財產。勿妬人之技能。勿淫人之妻女。勿唆人之爭訟。勿壞人之名節。勿破人之婚姻。勿因私仇。使人兄弟不和。勿因小利。使人父子不睦。勿倚權勢。而辱善良。勿恃富豪。而欺窮困。善人則親近之。助德行於身心。惡人則遠避之。杜災殃於眉睫。常須隱惡揚善。不可口是心非。翦礙道之荆棘。除當途之瓦石。修數百年崎嶇之路。造千萬人來往之橋。垂訓以格人非。捐貲以成人美。作事須循天理。出言要順人心。見先哲於羹牆。慎獨知於衾影。諸惡莫作。衆善奉行。永無

惡曜加臨。常有吉神擁護。近報則在自己。遠報則在兒孫。百福駢臻。千祥雲集。豈不從陰騭中得來者哉。

帝君末後一世事迹

帝君生於晉。姓張諱亞。越人也。後徙蜀。卽梓潼居焉。其人俊雅灑落。其文明麗浩蕩。爲蜀中宗師。感時事。託爲方外遊。及門諸子。建祠祀之。題曰文昌君。唐玄宗僖宗。避寇入蜀。顯靈擁護。難平。詔封晉王。後人加稱曰帝。蓋尊之也。

四川七曲山。清虛觀碑記。

文昌帝君功過格序

善惡者。功過之未形者也。功過者。善惡之已見者也。人性有善而無惡。奈何多過而鮮功。皆由一念敬肆之分。而天堂地獄遂判。入乎善則爲聖賢。入乎惡則爲下愚。今天下自命爲絕世聰慧之人者。自我視之。皆絕世懵懂之人也。百計欺人。豈知神不可欺。千方瞞世。豈知天不可瞞。所以報應隨之。不及其身。必及其子孫耳。

太上有言曰。吉人視善語善行善。一日有三善。三年天必降之福。凶人視惡語惡行惡。一日有三惡。三年天必降之禍。則善惡之念。慮一萌。鬼神早已窺見肺腑。可不懼與。蕉窗十則。懲勉備焉。陰騭千言。勸戒具焉。皆所以發明感應篇之旨。要亦同條而共貫。吾不忍人安於下愚。亦甚樂人勉爲聖賢。思夫檢束身心。防閑性命。積功懲過之法。無如功過格一書。我願當世自好之士。奉行勿替。案頭常置一冊。勿以善小而不爲。勿以惡小而爲之。勿冒功而勤寫。勿文過而停書。發憤有爲。是誠在我。行之久。自幾於有功無過之地。而爲天地間一正人君子。於以慶期頤。膺爵秩。蔭子孫。而長享福澤於無窮也。我其負汝哉。

奉行功過格十三則

一善男信女。欲行此格。必先將曩日過端。一一默記。審其輕重。急行功德以補之。以篤其志。且行此格。起念後。時刻有 神明鑒察。斷不可抱慚屋漏。阻廢中途。倘自暴棄。恐干神怒。較前之作惡。其獲報爲更速也。人其慎之。

一此格乃聖凡之界。人禽之關也。如是則天堂。如是則地獄。如是則地獄而天堂。如是則天堂而地獄。孰得孰失。何去何從。識者其辨之。

一每日所行之功過。但記數目。不必錄事。月終總較一月功過。年終總較一年功過。修疏一通。以告於 神前。庶起一念。行一事。有所敬畏。而過可漸寡矣。

一月終總較功過。若功無間日。並月內全無過端。均於總功之外。另加十功。取其純心向善故也。

一功過有是非。如求借不吝爲功。若借與嫖賭則爲過。有仇不報爲功。若忘親仇則爲過。揚人惡固爲過。若逐奸除害則爲功。破人婚固爲過。若理不應婚。阻之則爲功。觸類做此。

一雲谷禪師功過格云。百錢一功。謂有千金以上者。若貧士則五十文亦可作一功。極貧士一二十文亦可作一功。百錢一過。謂貧者如此。若富者五十文亦一過。大富者一二十文亦作一過。是說甚精。觸類引伸。不必沾沾。尋求紙上。

一勸親善。以一次大事爲十功。勸外人祇當一功者。重親也。蓋化外人易。化至親難。一大悖惡逆。及不孝不仁之極。與好淫亂倫。奪人妻女。決水放火。劫財害命等事。或婦人淫橫潑悍。虐殺異生。妬忌絕嗣。俱罪重惡極。不得僅謂之過。故不載入。

一記過兼記功。卽昔賢投黑白豆之意。若僅記過而不記功。何以消除過端。故有過不得自諱。有功不得自謙。然要人記過。正是要人寡過。不然。日爲之而日記之。記之又何益哉。

一以功折過。亦有不可折者。如致一人死。五百過。施百錢一功。豈殺人者作五萬錢功德。便可無罪乎。此等事宜審之。

一雲谷禪師謂敬。天孝親。非論功之地。不敬。天不孝親。爲大罪惡。不僅言過也。二者不在格中。茲恐習而不察。因之略根本而務施濟。故此格仍詳之。

一功有真假。如得人財。始爲伸其冤。遇美色阻於勢而未染。及貧士不能用好衣服。好飲食之類。皆不得記功。又如免債一節。或年久得利既多。今度不能還而免者。或已經告官。致累彼貧而免者。皆不得記功。他如取不義之財。用爲施捨。明知作惡人務爲救護。亦均不得記功。餘倣此。

一功過增加有分載格中者。有未及載者。如救一命百功。賑貧人百錢一功。若救人一命。而復用己之財。則於百功外。更照百錢一功加之。唆人訟五十過。取不義之財。百錢一過。若唆人訟。而因以取利。則於五十過外。更照百錢一過加之。餘倣此。又昌帝君功過格目次

倫常第一 事親 兄弟 妻妾 子姪 戚族 師友 婢僕◎◎敬慎第二
居心 行誼 言語 事神◎◎節忍第三 氣性 衣食 貨財 色慾◎◎仁
愛第四 人類 物類◎◎勸化第五 善類 惡類◎◎文學第六 字律 著
述 爲師◎◎居官第七 內輔 外憲 將帥 牧令◎◎閨門第八 居常
推類 性行 職業 教育 御下 處貧 守節 食用

文昌帝君功過格

南匯朱壽延敬刊

倫常第一

事親功格

祖父母、繼母、每功加倍。
庶母、伯叔、父母、功同。

晨昏定省。致敬盡孝。一功。○代受勞苦。一功。○對親和氣婉容。一功。○修德勤學。致

親喜悅。一功。○出告反面。一功。○責怒順受。一功。○贊成一善。一功。○解親一怒。舒親一

憂。一功。○順親心。不吝財物。一功。○和顏勸親。改過遷善。一功。○守一義方。訓。一功。○為親補

一過。一功。○代親還一通欠。一功。○親所敬愛人。加意敬愛。一功。○親病。小心侍奉。獲痊。一功。○

見惡於親。能積誠感動。一功。○顯親揚名。一功。○喪祭誠敬。一功。○和睦家庭

以悅親。一功。○守祖業不敗。一功。○保身謹疾。一功。○勸親倫常盡道。一功。○化親行仁

成德。一功。○不久停親。一功。

事親過格

淫蕩敗身貽親憂過百 ○剛很招禍貽親憂過百 ○阻親善。唆親惡。各百 ○厚妻子。薄父

母。過百 ○喪葬草率。過百 ○久停親柩。過百 ○惑於風水。動遷親柩。百過。當遷者不論。 ○縱家人

婦子逆親。過百 ○中年無子。不思積德以求。過百 ○有親不孝。拜人為義父母。過百 ○恣意

酒色致疾。過百 ○暴親一短。過五十 ○親有過不諫。過五十 ○直諫致親不悅。一次 ○背一

義方訓。過五十 ○親病不小心醫治。過五十 ○聽私言。薄待父母。過五十 ○責怒抵觸。過五十

○兄弟不睦貽親憂。過五十 ○對親疾聲厲色。過五十 ○親憂負欠。子私貨財。過五十 ○吝

財物違親心。過五十 ○親所敬愛人。故薄之。過二十 ○親老侍奉。生厭薄心。過二十 ○力有

餘。不幫助兄弟叔姪。過二十 ○出一怨言。過十 ○起一怨心。過十 ○罵人父母。牽及父母。過十

○以父母財蓄私。過十 ○令親任一勞。過十 ○遠出忘親。過十 ○一事欺親。過十 ○失敬失養

十日 ○推諉一日供膳。過五 ○父母忌日葷酒。過五 ○嘗新不預薦祖先。過五 ○貧不能養。

遂不顧親。一日 ○私飲食。一次 ○不求成立致親憂。一日 ○忘親舊疾。一日 ○行止

出入不稟命。一次 ○食新物忘親。及先飲食。一次 ○親飢寒飽暖。不曲體恤。一日 ○

不以修德勤學慰親心。一日

兄弟功格異父母兄弟每功加一倍異父母兄弟每功加二倍

敬兄愛弟推逸任勞功一 ○同一事不生異心功一 ○勸善止惡功十 ○財物不論爾我功十

代完官錢私債公用衣物 ○同室爭訟多方和解功十 ○容忍一過不聽婦僕讒言功十 ○獨任一大

事五十功如門戶 ○分產物讓多取少功五十 ○患難相扶功百 ○兄弟破產復與同居

共爨功百 ○獎勸兄弟成德功百

兄弟過格

鬪訟百過 ○遇一難不救百過 ○欺陵幼弟庶弟百過任其遊蕩不管同論 ○阻善贊惡五十過 ○臨財

爭競三十過 ○聽讒啓釁三十過聽妻妾婢僕者加倍兄弟不和家庭不睦多矣 ○

分產擇美推惡十過 ○求借一物不應十過 ○私占產物百錢十過 ○抵觸兄長一次五過如

戒不受之類 ○不和睦一過日 ○貧常忌富富不恤貧三過念 ○衣服飲食不顧兄弟一事 ○

懷異心不同力作家一過日 ○同事生一異心一過 ○藏怒宿怨一過念 ○見過不勸一過 ○

對外人說兄弟長短一過次

妻妾功格

閨門謹肅一日 ○隨事以禮義化誘一次 ○不容婢妾抗正室一日 ○勸改一大過

十功如不孝不睦。虐下撒潑之類。 ○禁止婦女出門遊戲燒香十功 ○不聽繼妻言虐前妻子女十功 ○

勸化孝公姑和妯娌五十功 ○化導行仁成德百功如勤儉孝慈敬愛敦養類。 ○娶聘後殘疾女妻百功

妻妾過格

富貴棄妻百過 ○寵妾薄妻百過 ○容任不孝公姑百過 ○四十無子受內制不納妾百過 ○

因爭競驚父母五十過 ○嫌色醜不睦五十過 ○歡愛過情不存節度五十過 ○縱虐婢妾

三十過 ○聽呼瞽目星士說命唱詞二十過 ○有過婦人勸善反加怒罵十過 ○縱繼妻陵

辱前妻子女十過 ○任婦女出門遊戲燒香十過 ○不禁三姑六婆往來十過 ○縱一惡

聲穢罵五過 ○閨門不謹一日過 ○多置盛飾衣物以悅婦人一次過 ○遇當行事受制於

內不行一次過 ○因信讒致啓長舌一次過 ○不和睦一日過 ○縱一惡事與自作一次過

過六則十百千萬過。

子姪功格

垂一義方訓一次功 ○擇得一明師良友十功 ○禁止一惡習十功 ○結親擇賢不計勢利十二

功
◎禁刻薄取利功三十
◎不為夤緣功名功三十
◎導之敬宗睦族功三十
◎化之行仁

成德功百
◎積陰德遺子孫功百
◎嚴立家訓使子孫世守功百

子姪過格

不以義方立教致成敗類過百
◎酷虐一人人子過五十
◎為不肖子孫夤緣功名過五十

◎教子弟占便宜過三十
◎棄一不才三十過謂因其愚魯狂悖而姑聽之
◎縱一惡習過三十
◎偏愛憎

一人過十
◎開一不善事端過十
◎不禁傳述叔伯間惡話十過一次
◎護一短過一
◎恣意打

罵不從容訓戒過一
◎教誨一事不盡心過一
◎幼時不禁美衣服過一
◎見不善不即教

訓過一
◎任交一不誠實人過一
◎婚嫁惟計勢利過三十

戚族功格

敬尊長睦同輩一功一日
◎不以貴陵賤一功一日
◎戚族貧乏求借不吝二百錢
◎周給貧

乏戚族一功百錢
◎創修族譜五十功協修
◎立義學教戚族無力讀書者五十功其功代出俸附學其功相同

◎代辦一嫁娶喪葬事三十功
◎教一孤兒成立五十功
◎建祠歲時團聚宗族五十功

立義田宅養活一人五十功
◎遇急難盡心竭力五十功
◎族人絕嗣為立繼不利產五十功

功
 ◎族人絕嗣。為立繼。不利產。功百 ◎族人絕嗣。不能立繼。歲時為之奉祀。功五十 ◎收
 養一老幼殘疾。功百 ◎佳子弟。為之扶持。功五十 ◎置祭田通族受惠。功百金

戚族過格

族人絕嗣。利產不為立繼。功百 ◎嫌貧弱。唆改嫁毀婚。功百 ◎戚族有流落人。可救不救。
過五十 ◎戚族有難。巧避不救。功五十 ◎薄本族。妄認同宗。功五十 ◎貧病無依。能顧不顧。
過五十 ◎唆助一切惡事。功五十 ◎以財勢傲貧賤戚族。功三十 ◎戚族有可教子弟。不代
 為送讀成全。功三十 ◎貧乏戚族。求借不應。功十 ◎抵觸一尊長。功十 ◎藏一怨不忘。功十 ◎
 見惡不委曲相勸。功一 ◎乖一尊卑次序。功一

師友功格

敬師遵教訓。功一日 ◎為師役勞。功一日 ◎尊前輩。親賢友。功一日 ◎相對惟正經語。不從
 謔浪。功十 ◎淫朋招引遊戲。不從。功一 ◎朋友通有無不吝。功百錢 ◎踐一約。功一 ◎弔慰誠
 敬。功一 ◎以德行文。章相勸勉。功一次 ◎朋友有過。忠告善道。功十 ◎不忘一父執。功十 ◎不忘一友託妻寄
 類之。◎不背一恩師。功十 ◎不忘貧賤交。功三十 ◎不負死友。功三十 ◎不負一友託妻寄

子功五十 ○扶持危疾獲全一次功五 ○不以勢利交。專以道義交。五十功 ○為貧親友葬

一柩。完一婚。五十功 ○貧乏遺孤。為之撫養成立。百功 ○救一急難。百功

師友過格

遇急難可救不救。百過 ○不慎擇友。偏私成黨。百過 ○背一明師。五十過。如生無餽。死絕通問之類。 ○負

一妻子託。五十過 ○假義氣陷人。五十過 ○忘一貧賤交。五十過 ○摘發一隱私。五十過 ○交

友不擇賢良。但慕勢利。二十過 ○負一死友。五十過 ○輕棄一賢父執。三十過 ○輕棄一賢

友。二十過 ○訛謗師長。二十過 ○諂媚人。不誠心規諫。十過 ○戲侮一老成。十過 ○相與無誠

心。一味虛文。十過 ○隨淫朋遊戲。一次過 ○慢師。三過。如問答不恭。禮節失時之類。 ○厭一貧賤交。三過。如辭

色教慢舉動。輕棄之類。 ○疎慢一正人。三過 ○謔一友父母妻子。三過 ○為師引誘頑徒。一日過 ○同

業不敬所事。一日過 ○爽一約。一次過 ○失一弔慰。一次過 ○違師友教訓。一言過 ○有無不通

過。○規過不當。致友疎。一次過 ○相對戲舞失體。一次過 ○與前輩交接。加一爾汝稱。一次過 ○

厭貧親友往來。一次過 ○背談前輩至交。過惡。一次過 ○微嫌介意。一次過 ○知過不告。與自同

婢僕功格

救一小過功一 ◎一事體恤勞苦功一 ◎厚給衣食功一 ◎可怒不怒。又善教之。功一 ◎平

心勸諭。小過能容。功一 ◎熟問因何賣身。不敢濫收。功一 ◎送還人一男女原值百錢一功 ◎資

發婢妾嫁奩百錢一功 ◎遇病用心醫治。獲全功十 ◎配一男女及時功二十 ◎禁一豪僕功二十

◎善遣一婢妾。慎為擇配。功三十 ◎化一人忠信慈仁。功百

婢僕過格

錮一婢僕不嫁娶過百 ◎殘一婢僕肢體過百 ◎賣婢得重價。致配非人。過百 ◎賣一婢為

娼百過掠賣遠方同 ◎姦一婢過百 ◎縱一惡僕過五十 ◎遇病不盡心醫治過五十 ◎配一男女

不及時二十 ◎用一次酷刑過二十 ◎冤責一次過十 ◎虐使一事過十 ◎縱無禮於尊長

過五 ◎在外生事。知而不戒。過五 ◎不飭規矩。嘈雜無度。過五 ◎譖愬不察。輒傾信之。一次

◎無故毒罵一次 ◎縱婢僕衣食過制過一日 ◎衣食不周。勞苦不恤。過一日

敬慎第二

居心功格

惡念起即掃除。功一 ◎常求放心。功一 ◎有所慕悅。隨以義命禁止。功一 ◎處不得意時。善

自排遣。功一◎不欺暗室。一功日◎謹懷幽獨。一功日◎讀書不起雜念。心解力行。五功日◎見人得失。如己得失。功十◎時時存誠。一切妄想不生。功十◎一月心常敬畏。有善無惡。功百◎常懷拯厄扶困心。功百

居心過格

常存機心惡念。過五十◎暗舉惡念害人。過五十◎聞人失利名。生喜心。過十◎德不思愼。福不省懼。過三十◎一日心常昏惰。過五◎讀書雜念不除。過一時◎聞人善。不生信心。過一◎生一怨親念。過一時◎展轉一淫念。過一時◎善行未深。希望福報。過一念◎起一損德念。不制。過一◎蓄諸妄念。過一時

行誼功格

勤理正務。不虛度光陰。功一◎作事勤敏慎密。功一◎有過失。勉力勇改。功一◎敬老慈幼。功一◎謙和接物。功一◎納一逆耳言。功一◎聞人毀已。刻意內省。功一◎當拂意時。能懲遏怒氣。功一◎容人一過。功一◎忍一勞功。功一◎解一怨恨。功一◎每食必念稼穡艱難。功一◎處事惟知爲人功。功二◎見善卽誠敬遵行。功三◎遠公門。功三◎不附人財勢。功五◎處一事公。

直^五功^五 ○不苟且求名位^十 ○已不及人。能愧心奮勵^十 ○遇失意事。無怨尤而自省。

功^十 ○遇橫逆自反^十 ○大事難忍能忍^十 ○剛介不徇人囑託^十 ○貴顯後不改素

風^十功^十 ○讓一善任一過^十 ○為善始終如一^{二十} ○報人一德^{二十} ○當大事。能損

己益人^{五十} ○善與人同。不存形迹^百 ○火性不生。在在歡喜^百 ○以身化導。合家

勤儉^百 ○立德足化鄉閭向善^百

行誼過格

假行竊名惑遠近^百 ○強很恐嚇人^百 ○盛滿得意。負才炫人^百 ○當大事。損人益

己^{五十} ○負人一大德^{五十} ○夤緣得名^{三十} ○氣質不思變化^{三十} ○慣習鬪爭

過^{三十} ○假公行私^十 ○趨炎附勢^十 ○任功推過^十 ○背盡一人情誼^十 ○報一怨

過^十 ○遇失意事。不思自反^十 ○逞一小忿^三 ○見一善不行^三 ○知過故犯^三

又除本過外 ○窺一人私書^一 ○為一善不終^一 ○處眾惟知為己^一 ○苛責人一事

過^一 ○論事偏執已見^一 ○傲睨一正友^一 ○縱酒及亂^一 ○喜諛遷怒^{各一} ○臨一

正事不敬^{過一} ○一日無所事。任意嬉遊^{過一} ○矜詡已長^{過一} ○處貧不耐淡泊^{過一} ○非

有勞倦。神昏晝寢過一。○貪戀一切玩好之物過一。○聞一謗欲辯過一。

言語功格

慎言一功。○心口如一一日功。○不與人作詞狀一功。○發一至德言一功。○出一方便

語一功。○說果報勸人功一。○揚人一善功一。○與人言不欺一字一功。○聞人過不出諸

口一功。○爲人詳辯一疑蹟。訛字一功。○闡說道理。問答不倦。功三。○戒謔人誚人一切損

德語一功。○表一人隱德一功。○白一人誣迹一功。○辨雪一人大冤一功。○平生

不道人短功百。○闡發一部濟世經書功百。

言語過格

誣壞一人清德過百。○造謗誣陷一人過百。○口是心非。百過。謂口蜜。○代作刁狀。致人

傾家過百。○摘發一人陰私過五十。○誹謗聖賢過五十。○談一閨闈過五十。○兩舌離間人

過三十。○傳述一傷風敗俗事過十。○變亂一是非過十。○舍聖賢經傳。談異端言過十。○出

一損德言過十。○評論一女色過十。○惡口犯一平交過十。○出言阻人婚姻過十。○詆毀一

人行事過十。○造一人敗名歌謠過五。○竟日多浮浪語過五。○出一不利人語過五。○談論

一穢事過五 ○播一人惡過五 ○冷語刺人過五 ○背後詆毀人過五 ○譏時政過五 ○嘲笑人體相不具過五 ○戲謔傷人過五 ○喜聞人一過失過一 ○偽諛一人過一 ○輕諾誤人過一 ○揚人一短過一 ○捏一誑語一過安傳 ○談一淫賭趣過一

事神功格

臨祭誠敬功一 ○遇時物必薦祖廟功一 ○必祭土神功一 ○祈禳祇許善願功一 ○竈前有怒不遽發功一 ○出財修葺聖像殿宇功一 ○拾遺字一千功一 ○穢中拾字紙焚化功一 ○闡明聖賢經典刊刻行世功百 ○時懷聖賢上帝暗室謹飭功百

事神過格

褻瀆祖先神靈百 ○毀經畔聖百 ○侵佔寺宇五十 ○戲謔神聖三十 ○指神明證猥事十 ○祭祀失時十 ○伐一祖塋樹木十 ○失小物呼神咒罵十 ○祈保許殺性惡願五 ○攜葷酒入聖殿五 ○對北惡罵及涕溺五 ○呵風雨褻三光五 ○不敬家堂神五 ○穢污井竈五 ○穢污經籍五 ○見遺字不顧一 ○祈禱不誠祀時不敬各 ○手不淨翻書過一 ○夜起裸體及當天沐浴過一 ○毀壞供器過一 ○朔旦號怒及行

刑各一
過

節忍第三

氣性過格

此條可與行誼功過參看

論一事不執己見功一

○受一謗不辯功一

○平一怒功三

○忍受一橫逆功五

○遇一讎不

報十功謂可不必報者○處逆境不怨天尤人功十

氣性過格

强悍難犯人皆畏忌過百

○怒一逆耳言過五

○遇失意事怨尤不止過五

○傲一貧賤交

過三○喜人奉承一過一日○醉後犯人喧鬧戲狎類○好矜誇一過一日○遷怒一人過一

衣食功格

安粗糲衣食一功一日

○拾遺粒功一

○不求衣食華美一功一日

○與人飲食不揀擇功一

○禁

屠日持素功一○一月安淡泊惜福功十

衣食過格

性喜豪華縱恣踰節過百

○厭棄惡衣食過十

○無故剪裁過五

○禁屠私買生物及私食

葷五過 ①縱酒及亂五過 ②服一非法服五過 ③無端糾一飲食會五過 ④生日宴樂無度三過

⑤強索人酒食一過 ⑥無故白晝謀飲一過 ⑦一日鮮衣美食一過 ⑧享用過豐一過 ⑨狼藉

五穀十過 在田拋棄不收 在場掃除不淨 俱於家長記過

貨財功格 寇盜劫奪 不在此類

一日買賣公平一功 ①分財極均一功 ②借貸如期還一功 ③與人財不遲時日一功 ④不容

器物 借人濟急一功 ⑤不負人寄託一功 ⑥不取非義財一功 ⑦還人失遺一功 ⑧代

完官錢私欠一功 ⑨免貧戶租欠一功 ⑩佈施殘疾乞丐貧人一功 ⑪讓利

讓產一功 ⑫假銀入手不使一功 ⑬放債收歸不計利一功 ⑭斗秤公平一功 ⑮早

還官糧一功 ⑯不逼取貧債一功 ⑰赦債還遺一功 ⑱全人身家一功 ⑲荒年平糶照計功

貨財過格

造低假銀及私錢各百過 ⑳蕩廢祖父母產業百過 ㉑重利逼取貧債百過 ㉒交易田宅不

清割五十過 ㉓圖買一產三十過 ㉔設弄詐騙五十過 ㉕倚勢霸佔五十過 ㉖乘難覓取

五十過 錢 ㉗強索十過 ㉘巧取十過 ㉙匿遺十過 ㉚負貸十過 ㉛負人寄託十過 ㉜刻

薄利已十過一次◎誘人賭博十過一次◎賤價強買人貨物虧本十過百錢◎買私錢使用五過百錢
 ◎換低銀用重一錢五過假銀倍論◎斗秤出入不公一過一次◎荒年囤穀待高價一過一日◎受不
 義財一過百錢◎侈用人財物一過百錢◎損人一器物一過百錢◎無益糜費一過百錢◎暴殄天物
 一過百錢◎當與故遲一過一次◎不問取人一針一草一過一過

色慾功格

一晝夜不起淫念功一一◎不蓄淫書淫畫功一一◎不履邪地功一一◎不交淫友功一一◎遇人談
 邪淫正言止之功一一◎逐一淫人功五五◎見美色不流盼功五五◎勸人節慾免疾功五五◎居家
 能節慾功十十◎曲全一婦女節功百百◎當可染境不染功百百◎完一婢女節功百百◎拒一私奔
 婦女功三百三百◎造一戒淫篇功三百三百◎焚一部淫書板功三百三百◎一生不二色功千千

色慾過格

如以卑亂尊以長亂幼俱罪大
 惡極永入阿鼻地獄不在此類

造淫書淫畫流傳過無量無量◎因邪淫離人夫妻過千千◎因邪淫墮胎過千千◎因邪淫害人性
 命過千千◎誘姦幼女過五百五百◎淫一室女孀婦尼僧各過五百各五百◎謀佔人妻女過三百三百◎淫一良
 家婦過百百◎淫一婢女過百百◎淫一僕妻過百百◎淫一乳婦過百百◎好色致病貽父母憂過百百◎

因姦惹禍生事過百 ○以顏色調戲人婦女過百 ○蓄一美妓頑童在家過五十 ○淫一原

失節婦過五十 ○製一淫方過五十 ○代人寄一淫書信過五十 ○宿一娼過三十 ○與婦女

相對任意戲謔過十 ○起心私一美色過十 ○私窺人婦女過一次 ○點邪淫戲過十 ○家居

淫褻非時過五 ○路遇美色流盼過一次 ○展轉一淫念過五 ○聞人說褻穢事津津得意

過五 ○收藏淫邪圖像詞傳過一日 ○祖父忌日不戒過三 ○作淫詩過一次 ○口出淫詞過一次

過一 ○行不避婦女過一次 ○家居裸體過一次 ○罵婢夾淫語過一 ○喜問人婦女美醜與談

過者同

仁愛第四

人類功格

收養無依人一日功 ○濟一人飢濟十人渴各一功 ○濟凍人一衣暖室一宵各一功 ○施

一暗夜路燈功一 ○借人一兩具功一 ○施藥一服有效功一 ○指一迷途功一 ○救濟一人

力乏功一 ○不沈滯一人書信功一 ○賑貧苦百錢功一 ○周全窮途人士還鄉百錢功一 ○贖男

女還人百錢功一 ○修路造橋疏河掘井百錢功一 ○施薑茶百錢功一 ○修涼亭渡船百錢功一 ○助

人嫁娶喪葬百錢 ○置義冢百錢 ○施襖被百錢 ○凶年施粥百錢 ○疫癘施藥百錢

功二 ○爲人贖罪百錢 ○途遇病人設法調養一功 ○留無歸人一宿二功 ○盡心謀人

一事功三 ○療人一輕疾功三 ○掩一暴露棺埋一白骨各五功 ○普傳一經驗良方功五 ○

傳一人保益身命功十 ○病難人求借不吝功十 ○一小事爲人出力功十 ○救一輕刑

功二十 ○救一墮胎在腹者謂 ○救一重病功三十 ○施棺一具功三十 ○施一地葬一人

功三十 ○見人侵陵孤寡竭力保護功三十 ○除一人害功三十 ○伸一人冤屈功三十 ○救

一人危難流離功百 ○救一溺嬰功百 ○完全一家骨肉功百 ○救一賤爲良功百 ○葬一無

主功百 ○救一人命功百 ○延續一嗣功百 ○收養一無主棄孩功百 ○全一應合婚姻功百

○興建一大利功百 ○地方大小事出言造福出力任勞功百

人類過格

造一事貽害無窮過千 ○致一人死過五百 ○設陷弄害人過百 ○溺殺一嬰過百 ○致一人

墮一胎過百 ○謀成一人軍刑非其罪者本 ○絕一人嗣過百 ○致一良爲賤過百 ○壞一人

陰地過百 ○發一人屍過百 ○合一毒藥過百 ○醫家計利誤人命過百 ○見一人死可救不

救過百 ○贊助人溺一嬰百過。知而不阻者同論。 ○侵陵一孤寡五十過。宗親倍論。 ○見人乘危不解。反

加排擠五十過。 ○以私念傾人家產五十過。 ○致一人流離五十過。 ○破一人婚姻五十過。 ○

嫁禍一人五十過。 ○平一人家五十過。 ○掘地遇骸骨。拋棄不顧五十過。 ○學一厭咒邪法

五十過。 ○踐踏人禾稼五十過。 ○損壞一義井橋渡三十過。 ○技術不精。盡惑害人三十過。地師加倍。

○謀成一人輕刑三十過。謂徒杖以下。 ○見欺孤陵寡。可護不護三十過。 ○見人冤得白不白

三十過。 ○一難求救。可救不救三十過。 ○疑病妄藥二十過。 ○傳一人假方二十過。 ○醫家治病不用心二十過。遲慢不急救同。

○祕一經驗方十過。 ○侵一貧弱十過。 ○侮弄一老幼殘疾人十過。

○阻截一方通衢橋渡百過。 ○幸災樂禍十過。次。 ○城市中馳馬跌人五過。 ○責一不應責

人三過。 ○強役一人力三過。 ○欺一無識三過。 ○故辱一乞丐三過。 ○恐嚇人三過。 ○沈滯人書

信三過。 ○爲人謀事不忠三過。 ○窮乏哀告不應三過。 ○施濟後悔二過。 ○故犯一人忌諱一過。

○路遇可憫事。有錢不施。一文一過。

物類功格

救一無力報人畜命一功。禽獸。魚蛇等類。 ○救細微百命一功。蟲蟻等類。 ○施禽畜食一日一功。 ○埋一

自死禽獸人者加二倍功。○救畜力疲乏一次功。○買放生命百錢功。○見殺聞殺爲己殺。

不食功二。○戒殺生二年功二十。○救一有力報人畜命馬三十功，牛犬類。○戒食牛犬一年十五功。

功。○倡戒殺放生功百。○勸一屠牛者改業。助其資本功百。

物類過格

倡殺。阻人放生各百。○烹殺牛犬百。○食牛一次五。○食犬一次五。○殺一有力報

人畜命資助同過。○偷殺畜物五十。○非法烹炮生物。使受極苦三十。○殺一無力報

人畜命過二十。○填覆一巢穴過二十。○無故殺牲畜過十。○賣一耕牛與人殺過十。○不憐

畜力疲頓過十。○發蟄驚棲過三。○殺細微十過一。○蓄一殺衆生器具過一。○籠繫禽鳥

一過
一日

勸化第五

善類功格勸人爲一切善。校自爲者減半論功。

勸人出財作福濟三百錢。○刻施善書百錢。○成人一美事功十。○成人一家業

功三十。○感化一家好善功三十。○薦引一有德人功二十。○表揚一人善行功三十。○興建

義學教誨一人功三十 ○感化一人成德功五十 ○倡一善事利濟一方功百 ○得善人交修一年無間功百 ○善書傳大豪傑大貴人功十

善類過格

排擯一有德人過百 ○阻人施濟過百 ○毀人成功過百 ○毀壞一人戒行五十過如戒 ○止人一善過二十 ○見賢能舉不舉過二十 ○為私不贊成人善過五 ○菲薄人不屑教過五 ○沒人一長過三

惡類功格

勸人改一過功一 ○勸止播人一惡功一 ○掩一人惡功一 ○解人一憂功二 ○息人一鬪功三 ○解釋人一怨恨功五 ○止人侵毀一賢善功十 ○息人一訟十功關風 ○止人揚一隱惡功十 ○止人談一閨闔功十 ○燒燬一卷邪書功十 ○阻人一非為功三十 ○解免陰謀下石功三十 ○阻人勿溺子女功三十 ○勸一為非者改行功五十 ○調停人骨肉功五十 ○勸人改一惡業五十功如屠 ○化轉一人至仁孝功百

惡類過格

與教人作一切惡較自作加倍記過贊助人一切惡 自作同見人為非可勸不勸較自作減半記過

唆孀婦嫁人。因之取利。過百◎編撰傷化詞傳。過百◎引誘一蕩子。過百◎離間一人骨肉

過百◎女無禮於夫家。反護其短。過五十◎翻刻一部邪書。過五十◎唆一人訟。過五十◎荐

引一匪人。地師倍論。五十過。庸醫◎傳人一惡術邪法。過五十◎代寫一離書。過五十◎贊助人訟

三十◎親一惡人。過三十◎唆一人鬥。過二十◎送子弟為僧道。過十◎增人一憂恐。過五◎

附和人一怨忿。過五◎見人訟。可勸不勸。過五◎見人說果報。妄笑為迂。過三◎當衆斥人

過失。過三◎見人失誤。不與明言。過一◎見人憂聞人訴怨。不勸解。過一

文學第六

字律功格

代人收檢字紙浴焚。萬字一功◎漂字潔水中取焚。萬字一功◎焚字香鑪中。三功◎贊揚惜字

文。功五◎見人以字紙包裹器物。換取浴焚。功五◎刮除器物門壁上字。功五◎不亂寫塗

抹好書。功十◎勸人勿以書字。放溼處霉爛。並扯碎踐踏。功十◎禁人於船艙車馬几榻

間。不騎坐字紙及錢。功十◎遇穢處有字紙。拾起。必浴過焚化。功十◎勸人不以字紙。及

錢。放牀褥下。功十◎當急難憂危之際。見字紙必浴焚。功十◎禁人勿以字紙拭棹糊窗

功十五 ○見人作踐急拾起。以香水沐焚。功二十 ○僧道能自戒。并戒人。不以有字旛帳

作他用。功五十 ○勸人惜字。並買焚怪異淫亂等書。功百 ○普化貲財。買字紙浴焚。功百 ○

受持惜字書文。敬信供禮。並留示子孫。功百 ○抄寫惜字書文。訓誡一家。皆知珍惜。功百

功 ○刻印敬字書文。徧傳於世。功五百 ○多收字紙。深埋淨土。功千 ○生平徧拾浴焚。不

辭勞瘁。功五千 ○生平廣施銀錢。勤買字紙。以香湯敬謹浴焚。功萬

字律過格

見人買字浴焚。敢取用作踐。過五百 ○見人託買字紙浴焚。而騙其錢。過五百 ○己身不

珍重字書。又不訓誡子弟。遞相輕褻。過百 ○遇人焚字。敢踐踏撲滅。收用。過八十 ○家藏

惜字書文。不敬謹收檢。或拭穢。過七十 ○僧道以有字旛帳。作雜物用。過六十 ○用字紙

包藥裹經書。及墊木魚器用。過五十 ○以字紙揉搓棄地。拭棹几器物。過四十 ○見惜字

文。不信不傳。過三十 ○放字紙書卷於船艙底。及車馬榻几之上。騎坐。過二十 ○己不惜

字。反譏笑人。過一十 ○以污水漂字焚於穢地。過一次十 ○以書卷作枕。及以錢與字

放牀褥穢處。過十五 ○以字紙引火點燈。過十 ○見婦人裁剪字紙作花鞋等樣。並墊盤

盒。不急禁止。過十◎以字紙糊窗壁。及裱屏扇書殼。過十◎女眷以有字書夾花鞋等。樣
 不急禁止。過十◎嚼爛字紙吐壁上。及扯裁作書撚。過十◎淹沒惜字功德。過十◎輕筆亂
 寫。拋散不顧。及信筆塗抹。過五◎以書啓字扇。插靴鞋中。過五◎寫字號於器物上。使人
 作踐褻瀆。過四◎手不潔淨。檢閱書卷。過三◎以字磚墊路。過三◎畫字於地。過一◎剗裁
 字跡。過一◎以字紙裱神像。及拾得而塞壁間。過一

著述功格

讀聖賢書。細心體會。一日◎作字端楷。一日◎疑難處能精心求通。功一◎好問不擇
 人。能虛懷集益。功一◎喜看嘉言懿行。記誦勿忘。功一◎遇淫書屏之不窺。功一◎不與人
 寫詞狀。一次◎實有得者。時時溫習。功一◎編輯一濟世善書。三十◎正一文體。三十
 ◎作文傳善行。揚隱德。五十◎嚴辨義利。趨向不苟。五十◎註明善書。刊刻行世。百
 ◎透徹聖賢道理。爲功後學。百

著述過格

無識毀議經書。百◎讀書忽略。不身體力行。百◎學術茫茫。不恥以自勉。二十◎

讀書不立主見。徒自泛涉。二十過 ○不思漸進。妄思躐等。二十過 ○惟貪新得。忽略溫故。

工夫。二十過 ○懶於考問。致蓄疑莫解。二十過 ○戲謔經語。二十過 ○代寫詞狀。二十過 致害命者加十倍 ○作詩文。譏刺人。十過 ○毀壞一卷書文。十過 ○污穢字紙。十過 棹裹物同論。○喜

看淫詞小說。十過 ○不知妄以為知。一過 ○讀書不竟卷。一過 ○寫一怪俗字。一過 ○粗曉書

文。自謂已足。一日一過 ○聞善言無效慕心。一過 ○作一笑談。一過 ○無故亂書。五過 書器書壁

論。同

為師功格

為弟子講明一故事。一功 ○隨事開導。一次一功 ○待弟子如己生。循循善誘。一日一功 ○盡心

講說。寒暑不倦。五日一功 ○耐煩訓一童蒙。一日一功 ○闡說果報。使弟子深信。十功 ○教一善

見從。照自記功減半 ○化一頑徒。五十功 ○教一人行仁成德。百功 ○正身修德。為子弟倡。百功

為師過格

學業不精。誤人子弟。百過 ○改作文字。誑騙父兄。一次五過 ○校文不遵傳註。不從正體。

五十過 ○子弟讀經書傳不熟。二十過 ○任子弟污穢經書。二十過 ○受人修脯。教誨涉有

無意間過二十 ○引誘一頑徒過二十 ○隨子弟作踐字紙過十 ○縱子弟爭競打罵過十 ○酷責三過一次 ○不禁子弟鈔襲代倩三過一事 ○惡罵虐使過一 ○縱一誑語過一 ○無故曠館課三過一日 ○縱子弟親一戲具過一 ○教習字不臨帖過一 ○任子弟寫訛字及怪俗字次一過 ○縱子弟爲一切惡較自作加倍論過

居官第七

內輔功格

協恭和衷一日功 ○夙夜勤勞一日功 ○持躬謹慎一日功 ○儉德可風十日功 ○力挽頹俗小事十功大 ○不矯飾避嫌十功 ○不舉苛刻議十功大事 ○不市恩沽譽十功 ○不以私恩害公事十功 ○率由舊章不輕更易百功 ○黜陟賢否不侈勢利一人功 ○屏邪去惡疏逐奸慝十功 ○識見大不圖便一時利後世十功 ○嘉謀入告爲國厚德無量 ○陳善閑邪格主非心千功 ○清靜寡欲千功 ○引主當道千功 ○救免大役千功 ○竭忠盡禮無量 ○爲國荐賢無量 ○立不朽功無量 ○請減重斂無量 ○爲社稷久遠計無量 ○闡明聖賢道旨無量 ○維持常道正法無量

內輔過格

苞苴曖昧百過流毒無量過◎執拘貽害百過大事無量過◎一切公事漫不經心百過◎任情遊戲

過石◎脫卸推諉百過◎不關休戚百過◎變易制度百過◎老耄戀棧百過◎不能闡明正教

隨俗波靡百過◎各立門戶致啓釁端百過◎畏蕙緘默十過大加倍◎迎合取巧十過◎阿諛

權要十過◎徇私忘公十過再準事◎黜陟不公十過一人◎率意更張十過◎立意苛求致失和

衷十過◎任意挫辱卑微五過◎奢侈無度一過三日◎受祿辜恩一過一日◎遇事模稜一過事

縱容奴僕一過一日◎性情偏僻照事記過事◎立議苛刻照事記過事

外憲功格

持重有體一功一日◎勿欺隱微一功一日◎不徇干求請託三功◎不粉飾公牘十功一次◎黜陟

公十功一人◎勤儉率屬十功一日◎體恤率屬十功◎出巡簡從省地方官供應十功◎禁屬匿

災十功◎化革奢俗崇尚儉樸百功◎約束嚴整百功◎杜絕方士百功◎法律均平刑無縱

枉百功◎愛重斯文飭勵士習百功◎重聘延請同心清介僚幕百功◎鎮靜簡易百功◎夙

夜勤求吏治不遑暇逸百功◎不虛報年歲豐收百功◎不輕興大工大役百功◎工役不

科派百姓功百 ○禁屬酷刑功百 ○禁屬諱盜功百 ○禁屬狎優妓功百 ○禁屬重斂浮收功百

○災荒親勘實行撫恤功千 ○察吏安民功千 ○操守廉潔常懷四知 ○考試不阻抑

孤寒功千 ○嚴禁偽學功千 ○銷燬坊板淫詞曲本無量 ○闡揚孝友節義無量 ○爲國

作養人材無量 ○竭力報效無量 ○承宣布化風俗轉美無量 ○災荒先飭屬開倉

急賑不俟呈准無量 ○賑濟嚴禁官吏侵害民得實惠無量 ○細心案牘不壅滯羈

遲草率貽誤照事功 ○迎養盡孝照日功

外憲過格

親老不致仕過百 ○尸位廢職過百 ○諂諛逢迎過百 ○簞簋不節過百 ○縱屬侵害百姓過百

○縱屬貪汙過百 ○縱屬酷刑過百 ○殘忍苛刻逞勢陵辱過百 ○虛報年歲收成過百 ○諱

荒不卽開倉賑濟過百 ○設賑任官吏侵冒過百 ○大利大害當興革不興革過百 ○公事

拘泥成例阻撓推託過百 ○慢令躁急過十 ○案牘沈積過十 ○踵事奢泰過十 ○陞降不公

○輕賤儒士過十 ○失上司官體度過十 ○失察劣幕舞弊過十 ○僕從如雲供應繁費過十

○百凡瑣碎不堪供命過十 ○不拘束家人胥吏照事分過 ○性情乖張剛愎自用照事計過

將帥功格

行軍不誅求地方供給功十 ○臨事而懼。好謀而成。功百 ○量敵慮勝功百 ○不輕躁走險
 圖僥倖功百 ○賞罰愜服衆心功百 ○不抑士卒功功百 ○體恤士卒飢寒功百 ○不尅減軍
 糧功百 ○不激邊釁功百 ○不毀墓功百 ○不虛報邀功賞功百 ○不貪貨寶功千 ○不殺脅從
功千 ○不淫掠焚劫殺降功千 ○不燬穢書籍功千 ○與士卒同甘苦功千 ○計出萬全功千 ○
 紀律嚴明。兵過不擾。功千 ○不屠戮功千

將帥過格

誅降殺順過無量 ○焚劫屠戮過無量 ○任意殘殺過無量 ○妬功致敗過無量 ○因私忿啓
千 ○縱兵卒擄掠姦淫過千 ○墾挖墳墓過千 ○狼藉書卷過千 ○貪取財貨過百 ○勞師
百 ○糜餉過百 ○兵無紀律過百 ○臨陣怯懦過百 ○猜嫌債事過百 ○行險僥倖過百 ○虛報飾功
百 ○求援不應過百 ○縱兵卒騷擾經過地方過百 ○救援不力過百 ○賞罰不平過十 ○不
 恤兵弁過十

牧令功格

父母在署。曲盡孝心。一日功。◎自甘淡泊。無異平素。一日功。◎晨昏定省。不以官事忝子職。一日功。◎不爲卑幼打尊長功。◎不爲衙役打平人功。◎不爲修衙買辦打鋪戶功。◎佳辰令節不打功。◎盛暑嚴寒不打功。◎見不真不打功。◎處分不得不打功。◎怒時緩打功。◎病時緩打功。◎醉時緩打功。◎不打疾病功。◎不打醉人功。◎不打急難人功。◎不打傷心人功。◎不打隨行遠路。及跑來氣喘未定人功。◎已打不打功。◎已榜已夾不打功。◎要枷不打功。◎饑寒困苦不打功。◎不輕打職官生監功。◎不輕打婦女功。◎不輕打宗室功。◎不輕打仕宦名族後人功。◎不輕打從未受刑人功。◎禁非刑重打功。◎禁佐貳非刑打功。◎禁皂役得錢重打功。◎禁打腿灣功。◎禁一塊打功。◎不濫准詞。不濫簽票功。◎不畏強禦功。◎不徇囑託功。◎不偏護功。◎不瞋越訴功。◎不喜奉承迎合之言功。◎不存成見。怒氣翻案功。◎人犯一到卽審。不令守候功。◎狀詞干連婦女。卽行抹去功。◎聽訟能伸理冤枉功。◎耐煩受訴。使下各盡其情功。◎堂規清肅。書役不得多言功。◎躬行節儉。力挽奢風。一日功。◎親講鄉約。勸懲有方。一次功。◎承奉上司。勿諂勿抗功。◎齋戒誠敬功。◎禁佐貳官。

不許濫准詞訟。功十 ○禁捕役唆盜誣扳良善。功十 ○禁戢勢宦豪強。功十 ○一時舛錯立

刻撥轉。功十 ○矜恤獄囚嚴察監卒。功十 ○免冤杖。功十 ○免冤永戍。功五十 ○免冤大辟。功百

○聽斷明晰定罪平允。功百 ○獲盜卽審定案不許扳累。功百 ○囹圄無久淹者。功百 ○懲

治好訟。功百 ○摘發奸蠹地棍騙詐。功百 ○教導頑民使省訟息爭。功百 ○弭盜安民。功百 ○

催科不煩敲扑。功百 ○簡靜安民。功百 ○革除民害。功百 ○招供禁胥吏舞弊。功百 ○嚴禁娼

優陷害子弟。功百 ○實心禁宰耕牛。功百 ○蓄水備火災。功百 ○瘟疫設法施藥療治。功百 ○

葬埋淹柩。功百 ○廣修養濟育嬰等堂。功百 ○修文廟先賢祠宇。功百 ○表揚孝子節婦。功百 ○

○盡善積穀凶荒有備。功千 ○歲荒早勘早申力請賑恤。功千 ○荒年捐施賑濟。功千 ○賑

濟得實。功千 ○興大利除大害。功千 ○小心盡職始終不渝。功千 ○操守廉潔敬懷官箴。功千

○清覈地畝錢糧井井有條使胥吏弓手不得欺隱。功千 ○編審里役差徭均平公正。

使合境受福利澤無窮。功千

牧令過格

殘害百姓。過千 ○加派錢糧。過千 ○私見創法貽害地方。過千 ○不振興斯文士習不飭。過千

◎縱盜殃民過千 ◎人命不卽檢驗致腐爛蒸刷過千 ◎縱捕役唆盜妄扳過百 ◎獲盜輕縱過百 ◎諱盜顧考成過百 ◎縱奸民詐騙不問過百 ◎容縱不法過百 ◎明知地方利害不肯興革過百 ◎不遏淫邪致傷風化過百 ◎不禁奢俗浮澆過百 ◎罔念民依過百 ◎聽信左右指撥害人過百 ◎罔上行私過百 ◎不實心講鄉約民無勸懲過百 ◎下隱不申過百 ◎上澤不逮過百 ◎遇災不申遇賑而吝過百 ◎水旱不誠敬祈禱過百 ◎放蕩無忌有忝官箴過百 ◎聲名狼藉過百 ◎俸薄用豐難全介節過百 ◎不禁溺女過百 ◎性情躁暴過百 ◎剛愎自用過百 ◎不禁宰牛過百 ◎不禁火化過百 ◎不迎養父母過百 ◎父母年老不告終過百 ◎重刑催徵過五十 ◎濫准詞狀過十 ◎聽斷不公過十 ◎逢迎勢要冤抑平民過十 ◎輕用民力過十 ◎禁子弟僕役欺平民過十 ◎陵虐紳士過十 ◎醉怒任意責人過十 ◎命案藉端拖累多人過十 ◎不禁娼妓過十 ◎緝竊不力過十 ◎宥沓廢弛過十 ◎上司怒人明知其枉不救過十 ◎不禁賭博過十 ◎祭祀不誠敬過十 ◎無罪誤責過三 ◎定罪枉縱照案 ◎受囑枉法照案 ◎泥成案不開豁隨事 ◎縱保甲兵役擾民照事 ◎侵尅脂膏肥身家照財 ◎定招不開生路只求免駁照案

閨門第八

居常功格

居處端莊一日功◎敬事夫子一日功◎義命相勸一日功◎愛敬夫子無輕忽心功一◎夫婦好合十日功◎勤儉同心作家一日功◎不溺情縱狎功一◎不執意違拘功一◎不厭井白一日功◎無忿色怨言功五◎順受暴怒苛求功五◎遇躁暴能委曲善處功五◎凡事請命功十◎無忤聽從功十◎祭祀豐潔致敬盡誠功十◎勸夫周恤功十◎勸夫不羨苟得功百◎勸夫子節慾保身十日功◎勸夫子遷善改過功百◎贊助義方教子成立功百◎出奩物應舅姑急用功百◎喪葬盡禮功百◎相夫子修德勤學功千◎侍奉疾病無厭倦心功百◎容妾媵生育功百◎事父母舅姑始終無忘功千◎孝事舅姑體貼入微功千

居常過格

唆夫為惡過千◎冒認他人子亂宗祧過千◎阻夫為善過百◎已生不育不容納妾過百◎兩相嫌怨終身乖離過百◎觸忤陵制過百◎吝惜奩物坐視窘急過百◎喪不盡禮祭祀不盡誠過百◎不孝順舅姑過事十◎不敬事丈夫過日十◎揚舅姑夫子過惡過言十◎不

請命自專十過事 ○疾病不能服事十過日 ○執拘違拂十過 ○帷簿褻慢十過 ○奢縱耽樂
 不知作家十過日 ○遇怒不能順受五過 ○不肯具饌留嘉賓三過 ○不諫阻夫子取不義
 財百錢一過 ○夫有過失不善勸化一過次

推類功格

妯娌姑妯姊妹相親愛一功日 ○推逸任勞十功事 ○順受非禮十功 ○親族往來情義周
 洽十功 ○欸接無愆十功 ○有無相通十功 ○己弟妹幼孤無依勸夫收養成立百功 ○夫弟
 妹幼孤無依勸夫撫養成立千功

推類過格

婢妾離間家長夫婦無量過 ○離間夫兄弟骨肉千過 ○子姪失怙恃不肯收養千過 ○互
 相讒謗三十過 ○惡聲相加二十過 ○待妯娌姑妯猜心薄道十過次 ○同室交構是非十過
 ○親族往來情義輕薄十過 ○不分等殺或濫或吝五過 ○禮節有虧十過 ○不能容受非
 禮三過 ○推勞任逸三過大 ○有無不相通照事計過

性行功格

不輕行動。謹守深閨。一日功。○夜行以燭。功。○授受不親。十功。○不入廟燒香。十功。○不輕露言貌。十功。○端莊靜好。功。○寡言笑。功。○慎舉止。功。○救貧困。大酌加十倍。○行方便。十功。○戒殺生。功。

性行過格

聽讒言。乖骨肉。過百。○幸災樂禍。過百。○殘褻書字。過百。○用字紙燃燈。隨意拋擲。過百。○加過於舅姑。百過。○加過於夫子。十過。○當治蒸嘗時咒罵。過百。○不戒殺生。過百。○不禁小兒奴婢。捉蟲損花。過十。○不請命擅回娘家。及到諸戚家。十過。○忌富笑貧。過十。○輕留三姑六婆。過十。○竊聽播唆。咒詛詈罵。十過。○乳哺不避人。過十。○遷怒怨尤。且致咒罵。過十。○穢柴作食。過十。○待人恕。過十。○鬥牌醉酒。各一次。○對竈泣詈。對北惡罵。各一次。○見義不為。過三十。○放縱驕傲。過五十。○暴怒躁急。過三次。○有客在堂。聲出戶外。三過。○曝褻衣不擇僻處。三過。○不潔水漿。任婢隨處潑棄。過三。○畜犬豕雞鴨於竈間。一過。○喜談人家雜事。一過。○因怨荆布。致失禮節。過一。○多言多笑。一過。○居常加意妝飾。一過。○舉止輕佻。及愛遊觀。一過。

職業功格

家堂香火廚竈。灑掃清潔。一日功。◎紡織針黹。勤事女工。一日功。◎早起夜眠。操作勤苦。一日功。◎照管周密。內外懽悅。五日功。◎中饋精細整潔。五日功。◎終身縞綦自安。不務華飾。百功。

職業過格

不敬奉香火。十日過。◎竈前汗穢不收拾。十日過。◎懶惰。五日過。◎晏起早眠。一日過。◎不動女工。一日過。◎女工不精。一日過。◎不勤中饋。一日過。◎中饋不潔。一次過。◎庭除不灑掃。一日過。◎終日閒走閒話。一日過。◎什物錯亂不檢點。一次過。

教育功格

視庶子如己出。百功。◎教養庶子成立。千功。◎無子勸夫娶妾生子。千功。◎教女賢淑遵閨訓。千功。◎義方教子成立。無量功。◎夫歿能兼嚴慈。教養孤子。無量功。

教育過格

夫歿不教孤子成立。千過。◎溺殺子女。千過。◎墮胎。三百過。◎膜視非己生子。百過。◎姑息。

子女養惡縱驕過百 ◎任子女佚遊嬉笑無度一過一日 ◎偏愛一過一日 ◎護短一過一次 ◎饑寒不念一過一次 ◎放蕩不教一過一日 ◎疾病勞苦不恤一過一日

御下功格

寬待奴婢侍妾一功一日 ◎還男女不責償身價一功百錢 ◎出錢贖男女還人一功百錢 ◎善遣姬妾使得其所一功十 ◎婢僕無咒怨聲一功十 ◎體恤勞苦一功十 ◎可怒不怒又善教之一功十 ◎衣食溫飽一功二十 ◎婢女遣嫁及時一功五十 ◎不妒虐婢妾一功百

御下過格

毒打致人命過無量 ◎殘害肢體過百 ◎壓良為賤過百 ◎錮奴婢不嫁過百 ◎致配非人過百 ◎配男女不及時過五十 ◎不許人贖男女過五十 ◎擅遣婢妾出嫁過十 ◎酷虐婢妾一過一次 ◎視疾病不療治勞役如常一過一次 ◎冤打虐使一過一次 ◎縱婢豔妝過五 ◎任性毒罵一過一次 ◎委任奴婢不能量力器使一過一次

處貧功格

家貧安命功百 ◎不嫌窮苦功百 ◎無交謫聲功百 ◎不怨夫子醜拙功百 ◎嫁無奩資不怨

父母功百。◎娶不成禮。不怨父母。功百。◎務女工。供甘旨。功千。◎夫貧勉以義命。勸以行仁。功無量

處貧過格

貧婦不肯安命。功百。◎怨夫交謫。功百。◎嫌夫醜拙。功百。◎怨父母嫁奩款薄。功五十。◎怨翁姑娶不成禮。功五十。◎不勤職業。日益貧困。功一過

守節功格

夫歿不輕露言貌。功十次。◎毀妝弗飾。功百。◎苦守節操。功無量。◎遇強暴誓死自全。功無量。◎終身無邪念。時刻自持。功無量

守節過格

陷身失節。功無量。◎與人苟接言語。功十次。◎違理貽譏。功十次。◎孀居華麗服飾。功一過次

食用功格

富貴不奢侈。功一日。◎布素自安。功十。◎珍重米粒。功一日。◎薄口腹。功十。◎嫁娶崇節儉。功十五。◎淡素自甘。助夫廉潔。功百

食用過格

倖夫貴顯奢侈無度。過百◎無故添製服飾。過十◎口腹過度。過一次◎不管小兒奴婢遺

棄米粒。過十◎拋棄五穀。過十

跋

帝君功過格。雖完全屬世間法。然確有出世法之妙旨存焉。蓋人之本心。原有善而無惡。只因不肯反觀內照。遂致迷真逐妄。凡所見于言行者。每過多而功少。欲令無過。先須主敬存誠。而主敬存誠之最妙者。莫過于念佛。佛者覺也。果能念念在覺。則凡起心動念。與夫一言一行。自不至涉于迷妄之途。而一一皆悉盡誼盡分。咸適其宜。由茲希聖希賢。了生脫死。永離過咎。圓滿功德。願行功過格者。兼修淨業。方爲究竟積功寡過者。

淨業弟子朱壽延謹跋

著作權聲明

本著作採用台灣3.0版創用CC「姓名標示-非商業性-禁止改作」條文，免費結緣，禁止販售。使用者按本會之方式表彰來源後，歡迎翻印流通，散布、傳輸；但不得有任何商業行為，亦不得變更、轉變或修改內容。

普為出資及讀誦受持
輾轉流通者迴向偈曰

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國



<http://creativecommons.org/licenses/by-nc-nd/3.0/tw/>

This book is for free distribution. It is not for sale. Printed in Taiwan.

公元二〇一三年五月 恭印貳仟冊

淨土問辨 功過格合編

出版者 † 華藏淨宗學會

地址 † 台北市大安區信義路四段三三三之一號二樓

電話 † (〇二) 二七五四—七一七八

傳真 † (〇二) 二七五四—七二六二

劃撥帳號 † 一九三九一〇七六

戶名 † 社團法人中華華藏淨宗學會

E-mail † hwadzam@hwadzam.com (請法寶專用)

www.amb.tw

www.amb.cn

www.hwadzam.com

www.chinkung.org

承印者 † 世樺國際股份有限公司 (〇二) 二二四六九九二八



華藏淨宗學會

THE CORPORATION
REPUBLIC OF HWA DZAN SOCIETY

本會一切法寶，免費結緣，禁止販售，請勿擅改內容，歡迎翻印流通。

This book is for free distribution. It is not for sale.

Printed in Taiwan.